

光緒江西通志

江西通志卷五十

山川略一

山一 南昌府

漸山在南昌縣東南六十八里聳如卓筆俗名尖山南接進賢縣界

麥山在南昌縣東南三十里一名墨山遠望山色如墨然或名脈山

斜山在南昌縣南三十里又名霞山

虎山在南昌縣南三十五里又名富山

荷苔山在南昌縣東南五十里

西山在新建縣西距章江三十里水經注作散原山豫章記作厭原山太平寰宇記作南昌山道家第十二洞

天名曰天寶極元峯曰大簫小簫簫史所嘗游也又有葛仙峯下爲葛仙源嶺之最高者曰鶴嶺王仙跨鶴所也曰梅嶺梅福學仙處也曰鸞岡洪崖先生乘鸞所憩也宋余靖記云巖岫四出千峯北來嵐光染空連屬三百里西山之勢高與廬阜等而不與之接餘山則枝附矣周必大游錄云以小舟絕江爲西山游初至沙口井在章江西岸石頭之上陸行二十五里至貞觀院登閣觀禪月羅漢摹本又五里入上藍莊又五里至鸞岡三徐葬其旁稍前卽翠巖也南唐保大間有澄源禪師無殷住此山其後死心居此而雲峯悅亦悟道故江西號爲勝地觀洪崖井深不可測舊有橋跨其上今廢寺引崖水以給用又匯其流激大輪爲磨院去崖數十步有

奉聖宮今日紫清徐鉉爲記又云乘小舟循溪依嶺行  
一二里望所謂藥臼者在石澗湍流中如石盤然次度  
牛欄嶺茶園嶺最後度湯家嶺回望生米洲乃至香城  
寺榜曰咸通香城蘭若東晉隆安中曇顯肇居此山過  
榷林一枝最大者圍丈五號將軍樹相傳近千年矣次  
至硯石長一丈四尺闊六七尺次至靈觀尊者坐禪石  
次至屋壇是爲香城絕頂遠眺章江略見府城山後卽  
江東建昌縣界游洪崖資禪院去翠微十里而近度落  
馬嶺乃至本白石道者智新所居寢室窗外對梅嶺如  
屏障再過洪崖縱觀飛瀑而行了賢送別三徐祠下至  
江頭僅三十里前蓋誤而迂也

唐施肩吾西山羣仙會  
真記序性非生知道學  
者必資於切問道難言傳立教者不尙於明文藏機隱  
意思輕泄於聖言比物屬詞乃密傳於達士世有讀書

而五俱下開卷則一覽無遺聲名喧世孰知不死之  
方頭角摩天豈悟希夷之理必也訪道尋真求師擇友  
覽仙經之萬卷不出陰陽得尊師之一言自知真偽水  
火木金土五行也相生而為子母相剋而為夫婦舉世  
皆知也明顛倒之法知抽添之理者鮮矣上中下精氣  
神三田也精中生氣氣中生神舉世皆知也入道至於  
義見超脫之功者鮮矣知五行之顛倒方可入道至於  
抽添則為道之人也得三田之反復方為得道至於  
超脫則為成道之人也得先達士皆曰道成無入九欲  
百無一二今來後學徒有古先達士真入道者十無一  
論得道而超脫者西山十餘人耳遂從前聖後聖祕密  
參同集五卷取五行正體之數每卷五篇應一炁純  
陽之義開明至道演說元機因誦短篇發明鍾呂太上  
至言庶得將來有悟勤而行之靈蹟記由洪崖而進為  
瀛之侶國朝徐世溥西山靈蹟記由洪崖而進為紫  
清諸峯迤邐西北折許母冢在焉嵌嵌磻礧險不可升  
不苦而滑至者皆解騎特前攀葛搯垂視婦步鞠躬  
拾阪猶數退踏或從高仰躡袞袞然若疾九汪坡矣其  
上乃交柯錯蔭百卉翳翳曩之所謂俯應阜襟彭蠡者  
皆不可見土人嘗有竊葬者秋霽綈綈而棺已下自  
半山霹靂交作樹木皆鳴送者駭眩而棺已下自  
是雖過者必式云山中諸所傳他奇怪不備志其蹟之  
存者皆在東莊以北為劍為日為磴為棺為拜藉為  
為胡林為石豕首豕首加劍其上耳誠其艱有蓋承之

細流背注若封血然白中水冬夏不竭土人病目至積  
首沐之輒瘳或杯去之旋竭旋盈乃至溺日亦不更淺  
白中虛下實水環其外無賣下通或挹澗益之亦不更  
滿其礎動否在人散息宿識以往輪旋若飛嬉戲引之  
千鈞不翅贖絕無益矣子銘其陽曰澗水如脂可以沃  
臍上土穀轉下愚不移時同游者皆笑比至棺石棺露  
前和半藏山內拜石外橫復識之曰匪革匪玉無縫孰  
敘拜石長在衣冠其消千年寒食誰奠王喬復前求石  
凡在社廟南隔水數十丈石滑而碕古無人蹤子與長  
兄揭而從之山中劉猗者好事亦能從焉子至卽先  
據胡牀隱石几是時日既薄午青峯延光草木暄謁無  
名之香四山而至澗水泠泠鳴流几下伸膝濯足不煩  
更起隱几欣然恬暢便臥覺而嗒焉猗遂導至程氏山  
莊程氏者故東莊人入居於此室中老幼數口青山當  
簷修竹四映園中雜植果實緯以藥蔬其人有好道頗  
仙籙聞子至卽下園果數品有栗有柿有棐有橘從以  
新酒時菊載黃雜英照山問此往當復得石乎便攜酒  
懷果緣澗委蛇徑得石巖巖中石筍如柱下石方便攜  
丈上稍短若檐飛湍界其上衝澗激其旁細流環其下  
如鐘如磬如簧如琴金石絲竹之聲紛然還至耳不給  
聽淒淒神寒骨傾榼不醉金水激石而爲之也旣辭程氏  
爰陟前岑道旁石上實觀驢迹劃若在泥所謂雪精之  
迹也少進有數巨人迹在盤石上望之綦長此往踐之  
隨長短各稱其足鄉人相傳謂昔仙遺此以鎮雪精者

子笑言神人奈何與怪絮足令乘而策之迹安歸乎古  
云不知足而爲屨若斯者乃可耳日既西傾環岡赤黃  
頽陽遺色望高山頂草絳縹緲焉若綠煙裊天循塗言歸  
數里已夕山農畝田白煙瀾野如水月相混咫尺閒茫  
然顚氣目不辨色喜山中人能導無天台談也歸廬張  
鏗殘魄已上是時維月向晦山中無漏以月計之蓋三  
鼓矣唐元宗送胡眞師還西山詩仙客厭人閉孤雲  
比性閒話離情未已煙水萬重山蘊靈異走望九齡有  
是日輒應因賦詩言事茲山蘊靈異先夕旅巖扉獨宿雲  
雖已久毗心難重違遲明申藻薦先夕旅巖扉獨宿雲  
峯下蕭條人吏稀我來不外適幽抱自中微靜人風泉  
奏涼生松枯圍窮年滯遠想寸晷閑清暉虛美恨無屬  
素情緘所依詭隨嫌弱操羈束謝貞肥義清亦吾道誠  
存爲物祈靈心候已應甘液幸而飛閉閣且無責隨車  
安敢希多慚德不感知復是耶非施肩吾西山靜中  
吟重重道氣結成神玉闕金堂逐日春寄西山陳陶詩  
者連余便是十三人南唐僧貫休春寄西山陳陶詩  
搔首復搔首孤懷草淒淒春光已滿目君在西山西  
水成文去庭柯擎翠低所思不可見黃鳥花中啼  
彭汝礪西山道中詩行盡鍾陵西北山盤輿恣意取  
巒明朝未必無風雨更撥浮雲子細看楊萬里過西  
山詩一年兩踏西山路西山笑人應解語曾中百斛水  
墨塵雨捲珠簾無半句殷勤買酒謝西山慙作山光開  
我顏鬢絲渾爲催科白塵埃滿胸獨遑惜裘萬頃厭

原山中曉行詩碧雞夜半聲啾啾喚起幽人步林樾秋  
高風露著羣木無數寒花泣明月松篁一徑宛如畫石  
溜涓涓更清絕山巔便好結茅廬莫待他年鬢成雪  
劉克莊詩絕頂遙知有隱君餐芝種朮鹿爲羣多應午  
竈茶煙起山下看來是白雲元王士熙送朱眞一住  
西山詩官河新柳雪初融仙客歸舟背楚鴻鐵柱晝閑  
山似玉石樓人靜水如空煮茶榻畔延徐孺燒藥鑪邊  
覓葛洪天上雲多白鶴去子規何事怨東風明劉崧  
入西山詩江雨溟溟落遠帆驅車西上入雲巉青松殘  
雪分明見指點行人問翠巖會榮詩城外青山爽氣  
浮重巒疊嶂擁南州四時秀色含雲霧萬壑寒光逼斗  
牛野樹迴連空翠合潞泉長繞畫屏流由來此處多仙  
境那得騰車汗漫游國朝裴君宏蕭仙峯詩蕭峯絕  
頂與天通鳥道羊腸鑿遠空上有巉巖之虎穴下有峭  
削之龍宮仙人已乘鸞鶴去仙峯日日摩青穹請君攀  
藤攝衣上畫裏南州一望中

雞籠山在新建縣西北十里盤旋聳秀東枕江登臨最  
勝

釣磯山在新建縣西十里山廣百步四周皆水傳是洪  
崖先生釣游處



雲蓋山在新建縣西北五十里下有龍壽禪院又西十里爲罕王山上有廟其神乃漢昭烈曾孫劉獲祈夢多應見宋姚勉碑記舊志作晉司馬儀蓋沿譌也又西十里爲昭山

大球山在新建縣西南七十里山形雄特宛若獅蹲與小球山相連

逍遙山在新建縣西南八十里道家第四十福地山陽有許旌陽玉隆宮

卓山在新建縣西北六十里樵舍鎮上其巔有萬竹亭牛首山在新建縣西北八十里儀鳳鄉又北鄉二十二都有棠岡山爲西山盡處

李岐山在新建縣東北一百四十里鄱湖之西春夏水

高其巔獨露舟楫值風濤者皆泊其下山舊有廟相傳

神姓李因以名山又東北爲几山上有石橋釣臺仙巖

吳城山在新建縣東北一百八十里臨大江上有望湖

亭張令公廟順濟龍王廟宋大中祥符六年御製戒蛟

文刻於石一云許吳二真君斬蛟處宋汪藻晚泊吳城詩風掃陽侯雪陣

平雨催摩詰畫圖成筆吞浦淑重林盡秋看江湖去鳥

明厚祿故人無一字長年三老伴餘生會須滿意開懷

抱到眼隨山不世情文天祥題吳城山詩龍行人鬼

外神在地天閒彭蠡石怒出洞庭商船還秋風黃鵠關

春雨白鷗閑雲際青如粟河流接海山下暫逍遙波連楚澤

城山詩歸路逢春厥草綠繫舟亭下暫逍遙波連楚澤

風初起山繞吳城雪未消五老雲中如有待二姑江上

宛相招滿塘景物堪圖畫從此巖棲遠市朝王直發

江西順風過吳城詩朝發廣潤門暮過吳城山疾風吹

片帆可望不可攀浮雲東北飛游子何時還新交遊千

里相見識獨難丈夫志四海豈爲離別顏況此壯盛時

容華渥如丹君門開九重聲教溢人寰唯當勉功業

毛易成班羅欽順過吳城詩舟過吳城驛蒼茫暮景

斜古祠淹日月生計半魚茶碧草眠黃犢青山印白沙

風光長似此  
何處不爲家

鄢家山在新建縣西四十里與秦人洞近

吉州山在新建縣西北一百九十里與松門山相對其  
上居民相傳秦時移此

松門山在新建縣北二百餘里枕鄱陽之東兩崖生松

遙望如門山上有石鏡光可照人

宋曾鞏發松門寄介甫詩南風夜發吹孤

舟起視北極星辰稠曉開征帆破長浪挾以兩勝當中  
流松門東面見廬阜其上少日煙氣浮舟人指我極四  
望黑處無底蛟龍湫橫溪左蠡信浩蕩兩浹若粒分岡  
邱落星困困孰可狀清漢夜獨垂牽牛故人會期此同  
載舍擢直抵雲山游念今五載負期語心獨動蕩風中  
旂況聞肥遯須在山早時事力胡能謀所嗟親老食未  
足安得一畝採鋤擾此言此笑吾自取非子世  
孰吾相投今諸與子脫然去亦有文字歌唐周

擔石山在新建縣東北一百八十里豫章記擔石山如  
石堆湖心遂成小山寰宇記擔石湖中有兩山其孔如

人穿擔狀

始豐山在豐城縣南七十五里高三百丈道書第三十七福地有藥臼洗藥池各二石壁上有白玉蟾影及手書江右福地始豐名山八字南唐徐鍇記

羅山在豐城縣南八十里

一作一百四十里

晉羅文通學道於

此故名中爲歐石巖其巔有池又名池山

澄山在豐城縣南九十里

一作一百四十里

產茶其巔有水澄

澈土人取水造麪色如丹砂一名孤山

杯山在豐城縣南一百里

一作一百五十里

周迴百里形如覆

杯豐水所出

白馬山在豐城縣東南三十五里相傳晉時有三神乘

白馬於此鄉人祀之

龍門山在豐城縣東南八十里

一作一百里

西北與道人山

接相傳馬祖道一駐錫於此前有七寶峯旁有龍湫

赤岡山在豐城縣西二十里瀕江壁立土石皆赤名黃

金城又二十里爲金鄆山

宋朱子赤岡望遠山作曉起清江弄小舟晚風吹過赤岡

頭遠峯自作修眉斂萬里那知客子愁

堯山在豐城縣東南一百里

一作一百四十里

上有堯壇因名

馬鞍山在豐城縣西北七十里延袤百餘里巉巖險峭

元邑人陸叔祥鑿石開道其上

鍾城山在豐城縣東四十里前爲城岡山下有瀑泉數

十泓大旱不竭

櫛山在豐城縣東六十里產櫛木有磐石可坐百人徐

孺子讀書臺在焉旁有三角山

鳳皇山在豐城縣東七十里晉昇平四年鳳皇將九雛

見於此故名相近有鶴仙山

梅仙山在豐城縣西十里一名盛山又名飛鴻山濱大

江相傳梅福隱此

明宋儀望游梅仙山詩白雲在深山

遂梅公隱何時漢道昔云季當其抗言時鼎鑊甯足畏

一斥眇何所去作南昌尉茲山信超曠盤鬱多佳氣幽

棲亦何為豈不以我貴一朝變姓名挂冠從此去新舊

相太息妻子不知處余亦訖讎人誤觸當時諱見幾苦

不早撫已有深愧承願  
謝塵緣長往從吾志

礪頭山在豐城縣北十里山多石有兩礪與水激故名

形蜿蜒如龍昂首又名龍頭山

蕢荷山在豐城縣東南

元揭傒斯蕢荷山詩蕢荷山碧

真人煉紫丹下有揭氏子孫藏其間神臆六月飛霜寒

古人不可見真人飛入越王山越王山傍天立桃源蕩

蕩車馬入海上青禽不必來人間絕境紛成邑我家蕢

荷陰移家恨不蕢荷深青松之葉陰我屋白石之薦絃

吾琴囊荷再生吾丹再成冥冥我祖去而上升靈泉援  
手引我太清足跨五色鸞手掉金芙蓉浩然拔宅凌天  
風九州四海如脫屣  
空留遺響此山中

壇石山在進賢縣治後相傳闢縣時得斷石有尉遲恭  
監修五字

烏石山在進賢縣治西二百步多巨石色皆黑

三臺山在進賢縣東南五十里一曰鳳臺一曰鸞臺一  
曰鶴臺與儒學對又呼爲筆架山

楊梅山在進賢縣東五十里

龍岐山在進賢縣北百餘里鄱湖南岸

龍頭山在進賢縣北爲西河之委

麻山在進賢縣南二十里上有麻姑壇豫章志云晉王  
郭二仙憩息之地後包真人於此昇舉有龍并禱雨輒

應

鐘山在進賢縣西南五里一名上下破山二山臨水破裂元大德間漁人入水得銅鐘十二改今名

英山在進賢縣西十五里臨青嵐湖有陽和天井傳與積煙山通

金山在進賢縣西南四十里其下有淘金井山與臨川接界

榭山在進賢縣南四十里山多榭木故名

臧山在進賢縣南唐臧嘉猷隱此故名山木冬夏常青

謹案謝志榭山臧山誤併爲一今更正

巖前山在進賢縣東南七十里其巖一若獅一若象

棲賢山在進賢縣東七十里舊稱小天台山唐撫州刺



史戴叔倫寓此改今名

北山在進賢縣北七十里地濱彭蠡四面皆水其土平

衍利耕作元伯顏子中隱此

元伯顏子中詩平川楊柳翠依微煖日游絲挂綠扉

啼鳥不知

江國變多情到處勸人歸周霆震北山口號斬黃連結蔡州城風靡江東莫敢膺千里南來今送

死天知忠節在廬陵

登高山在奉新縣治北百餘步一名龍山又名獅山其

巔平坦以爲射圃每年重九日士女登高於此山北有

泉名馮井井上有牆延袤數百尺俗呼倉城相傳漢時

馮氏倉場故址

陶仙山在奉新縣南十五里世傳陶安公乘龍上昇處

藥王山在奉新縣西北五十里豫章記晉吳猛騎虎入

山處或云文簫吳綵鸞寄食鄒舉家俄跨虎仙去留藥

一粒與主人且遺以詩一作越王山

宋幸元龍游越山卽景詩上得越山

半方壺紫翠環山陰春溜響花落午陰閑梵刹依松外仙家在竹間小窗借高枕風定鳥絲蠻

華林山在奉新縣西南四十里半屬高安其山三峯秀拔土人常伺雲氣舒卷以驗晴雨南有浮雲宮及仙姑壇故卽元至正間李普成王普敬明正德間陳福一羅長一皆據此爲寇

岐山在奉新縣東南三里扼南北二水之衝平對諸峯如拱揖狀爲游觀勝區

磐山在奉新縣西二十里山勢蜿蜒踞水陸之衝漢末劉表從子磐嘗據此故名

龍頭山在奉新縣東北三十里周遭環水

九仙山在奉新縣西一百里上有壽堂禪院山北有湯

泉一溫一沸

晏嶂山在奉新縣西南八十里層巒高聳四面如屏山南有劉仙巖晉劉道成修煉所山巔有風洞穴闊二丈許風常出焉

百丈山在奉新縣西一百四十里馮水倒出飛下千尺西北勢出羣山又名大雄山南則平原坦夷四山環拱山有草花如蓮名山蓮唐宣宗嘗潛游至此距山西南里許有駐蹕山一名車輪峯宣宗迎回駐蹕於此又縣西南三十里有駕山其南爲王見山皆以宣宗訪逸民鄒垣得名唐宣宗詩大雄真迹枕危巒梵宇層樓聳萬般日月每從肩上過山河長在掌中看仙花不閒三春秀靈境何時六月寒更有上方人罕到暮鐘朝磬碧雲端

吳鵲山在靖安縣北五里世傳晉吳猛嘗憩此故名東

有繡谷山一名幽谷山山半瀑布如練其西爲白雲山  
金城山在靖安縣東一作西北五里馬湖水繞其麓

葛仙山在靖安縣西北二十餘里按豫章志仙本楚人  
漢末隱此或云卽葛洪也有煉丹壇壇之左有葛仙庵  
其巔有金鐘每遇風雨晦冥則有聲明正德閒土寇胡  
雪二立寨山上卽瑪瑙崖是也

桃源山在靖安縣西北四十里勝槩若武陵桃源故名  
亦名武陵山上有仙姑壇唐校書郎劉昫虛嘗居此號  
爲孝弟鄉一云是宋支離翁劉子虛居址相近爲石門  
山山有寶峯院唐權德輿有碑記又有名山洪芻祐聖  
院記云右鶴嶺而左名山長溪出焉

九洞山在靖安縣西北四十里環峯疊嶂有龍鬚藥臼

車箱等九洞

謹案謝志桃源九洞併爲一山今改正

洪屏山在靖安縣北七十里四圍壁立路止一綫可通水潺石偏凜然可畏

黃茅山距靖安縣六十里許在礪坑忠夏兩都之間延袤二十里鳥道羊腸行者苦之

烏嵐山在靖安縣南二十里接奉新縣界嵐一作藍玉枕山在武甯縣北二百餘步其形如枕西爲四望山七里山在武甯縣西一里其山陡峻偏倚修江宋邑人李道宗於山腰鑿路約七里許歲久崩壞明宏治間邑人盛如江改鑿山下

武安山在武甯縣東南二十五里元季邑人胡紹遠兄弟聚鄉兵於此立寨

柳山在武甯縣西南三十里孤峯秀拔唐柳渾隱此

嚴陽山在武甯縣南四十里相傳嚴陽尊者結庵於此

庵側有泉二泓白石閒流出名曰石鑊泉

伊山在武甯縣北三十里俗傳伊叟拾蛇卵後成龍叟死龍湧沙石瘞之

石鏡山在武甯縣東北四十里有石壁色黑形如鏡鑑物分明

遼山在武甯縣西北八十里一作七雄據上游爲邑巨

鎮

太平山在武甯縣西北八十里與湖廣興國州相連鶴

皋龍井勝迹頗多元揭傒斯太平山雜咏太平最高峯署亭更蕭灑但有日與月晝夜繞簷

下聯雲歸樹繞環雨餘山更淨長嘯天地低引手捫斗柄此井水深莫測甘冽如沆瀣一朝整龍起霖雨

滴下界龍井洛水載書出化爲碧孱顏堂堂富川都永  
鎮東南山麓仙人出未還老鶴惜無伴延頸東皋山  
不知日已晚鶴枯槎大幾何泛泛此谿渚會乘天上  
去殷勤問牛女誰在天風西北至獵獵動雲旗卻訝西  
王母瑶池畫下時輕燕空巖發靈籟彷彿如風雷只宜  
函寶劍天遣六丁開雷巖坡上春雲白坡前瑤草長仙  
人三十指曾此采幽香姮仙少年武當至寄此南枝春  
歲歲滿樹上花開遲故人梅梅異根卻連枝欣欣更榮  
發詠出山中人此義良可法義棧山靈驅猛獸跑出一  
泓泉流作人間去還爲大有年饒饒靈煙雲常歸淡時護  
五雷峯忽爾雲煙散撐空翠萬重靄靄雷石門高幾何自  
非神禹鑿有時龍忽歸滿山風雨作龍門何年孟氏姥  
照影石潭底姥去不可追至今名在耳鼃荒愛此獅子  
巖宛若獅子踞忽然一咆哮清音滿天地麟子梧桐葉  
初凋高岡秋瑟瑟鳳凰飛去來月明如白日臨嶺瞻此  
石葫蘆不隨草木壞誰能劍其中納此大千界滿蘆芽  
君騎虎來石上遺虎迹豈無苟與苔自是不敢藉疏述  
白石亦何堅文豹來齒之齒之痕尚在無乃神所爲歸  
石陰洞有靈藥不知經幾春年來荷鑪冶化作石丈人  
溺人赤雙腳踏石如踏泥泥痕尚可沒石痕不可  
迷幽

魯溪山在武甯縣東北七十里枕魯溪上石屋石田形

狀不一世傳劉真人修煉處

朱家山在武甯縣南一百二十里接靖安界山路崎嶇不容車馬宋岳飛斬趙萬於此

楊新山在武甯縣北一百四十里與興國州分水界

九宮山在武甯縣西北一百六十里其陰隸湖北通山

縣上有瀑布下有溫泉爲四一作西境之勝世傳有九龍

降於池故名一云昔晉安王氏府志作晉王安縣志作晉安王俱無氏字兄

弟九人造九宮於此宋時方士張道清建欽天瑞慶宮

於上朱謝枋得詩真人何代結幽栖累世奎光煥紫泥日月高奔黃道近衡廬傍出玉繩低

遼東山在武甯縣東三十里世傳丁令威化鶴之所

白崖山在武甯縣南九十里孤高險峻

三卷山在武甯縣東南三十里下有羊腸徑鳳口港出



此

梅崖山在武甯縣東北六十里汾水出此

大孤山在武甯縣西南一百四十里孤高險絕修醴水出此

鳳翅山在武甯縣東五里下瞰修水

羅屏山在武甯縣西四十里危峯突聳矯插雲端

神童山在武甯縣北十里宋周天驥居此舉神童科故名官塘水出此

雙嶠山在武甯縣北三十里雙峯並峙磧谿水出此相近爲南皋山雙港水出此南入修水

了髻山在武甯縣東北六十里形如了髻簪谿港出此鳳凰山在義甯州北二百步如鳳展翼乃州之主山也

上有石臺曰鳳凰臺

南山在義甯州南二里隔溪跨橋穿石竇而入懸崖峭壁下瞰修水有釣磯及玉溜石積雪石俱黃庭堅題字又南十餘里爲壘金山有高岡亭飛龍閣招黃臺深澗曲流石門松徑頗擅登臨之勝

雞鳴山在義甯州西五里青峯峭絕每夜深風靜聞雞鳴若天鷗之類山麓有謁仙亭又西爲鹿源山上有九峯相傳昔有仙人常乘白鹿出入其閒故名

龍峯山在義甯州東四十里狀類九峯下有龍峯院

毛竹山在義甯州東南一百二十里勢連東津山按圖經此山路塞宋治平閒余夷開鑿至爛泥坪始通往來巉巖山在義甯州西七十里山有四十餘穴每天晴穴

內風出子午卯酉時尤盛相近有攝仙山狀如獅中有  
二巖巖有穴其下有龍潭

東嶺山在義甯州南八十里根盤二十餘里路通一綫  
多產蘭菌山下分三路達筠洪相近爲鯉魚山

島石山在義甯州西八十里上有李仙姑壇歲旱禱雨  
輒應又西十里爲桃峯山有雷巖石神像禱之卽應

大湖山在義甯州西百四十里高千丈其頂平行有池  
廣六丈泉流不竭注下爲百葛水

東津山在義甯州西南一百二十里周二十里亦宋時  
余輿鑿爲通道

旌陽山在義甯州東一里層崖壁立截修水口晉許遜  
逐蛟過此故名

大幽山在義甯州西南八十里中有金雞橋前後深淵曲澗明萬厯初爲盜藪後剿平之

血木山在義甯州西南一百四十里延袤十里亦名血樹山與湖南瀏陽縣分界山多血木故名

南屏山在義甯州西八十里修水上臺源之濱相近爲烏石山

明山在義甯州西一百里後有石竇徑二尺五寸深尺餘水常不竭

百口山在義甯州西一百十里周二十里有坑穴百餘故名

大瀉山在義甯州西南一百五十里西通湖南瀏陽縣東通新昌縣南通湖北興國州林木鬱塞盜賊淵藪明

萬曆五年設銅鼓石營守備於此相對爲黃檗山

黃龍山在義甯州西一百八十里與湖廣通城縣相接一名輔山高千餘仞下有冷煖二泉山頂湫中有黃魚能致風雨歲旱禱之輒應吳時山屬武昌郡黃武中黃龍見於武昌卽此山也

幕阜山在義甯州西一百九十里古名桓山與湖廣通城縣相連高一千丈廣袤一百二十里吳都尉太史慈拒劉磐於此置營幕遂有今名山上有繫舟峯有列仙壇匯沙池芙蓉池海棠洞仙人洞東爲青龍山相傳昔有禪師駐錫於此能馴猛虎里人結庵奉之

安峯在新建縣西山孤峭入雲宛若削成蓋簫峯之亞

也

明袁衍安峯紀游詩并序宏治乙丑杪秋余嘗登此峯至今嘉靖乙卯仲夏復偕東廓水洲二君子重來

記已五十餘年矣深慨江山之如昨而懷日月之徂征也時值午口泛蒲觴於絕頂同游程子鼓琴邱子劉子金子放歌各奏爾能甘子靜觀默會皆充然若有所通興盡而罷歸宿禪林日嚮晦矣賦此以識時事云羣山倒插青芙蓉嵯峨突出稱安峯瘦筇抗策躋徑長輕裾蕩漾天之中飛雲駕海鶴落日吹山風霧壑黃塵棲孤城遠近澹蒼山河平舉手濯雲漢日月腳底生瑤琴一奏陽春曲萬壑泠泠碎寒玉紫簫聲斷下青鸞碧落煙消舉黃鶴神仙渺茫世難續藥苗滿地抽新綠閭閻撲地億萬家郵郵半是逃亡屋懷山襄陵河患酷遭負猶催聞野哭青苗當錢輸舊租眼前瘡好剜心肉旌陽原是西山客袖裏丹砂能點石願將大地作黃金饑者得食勞者息我登此峯初束髮重來兩鬢半垂雪山青不改昔時容依舊巖花傍明月光景能幾何壯志今蹉跎蒲觴泛醪醪亢亢發浩歌浩歌度與清風去窮厓陰谷回陽和大舒無極眼世事皆浮濁何時再上大華頂下視此峯峯兀如卷阿

蟠龍峯在新建縣西二十五里四面險阻元季洪崖鄉

民嘗避兵於此

明魏良政詩東望盤龍峯見山不見龍龍盤不可見上有雲萬重

鷲峯在西山石垛千層上圓平若鼓狀叩之比湖口石

江西南元卷五十一  
鐘聲尤洪亮

上天峯在新建縣西北七十里其下有泓嶺谷泉石交勝

達摩峯在新建縣西三十里昂然屹立

明陳宏緒詩東來西去巖時餘

錫杖遙衝洞口霞一自錫翻  
蘭若壁始知九載見空華

金牛峯在豐城縣東北四十五里相近爲龍嶺伏嶺月嶺

香鑪峯在進賢縣東南四十里狀如香鑪時雨將作煙霧滃然上有許旌陽祠

白狐峯在進賢縣西五十里上有袈裟巖摩雲頂諸景  
仙壇峯在進賢縣東七十里上有三仙壇歲旱禱輒應  
雙乳峯在進賢縣北二十里或云雙耳峯

迦葉峯在奉新縣百丈山東其南爲釋迦峯

謚母峯在靖安縣北十里世傳許旌陽會謚母於此其地桃花夾徑上有石壇鑪竈相對者爲曹仙洞縣北又有白雲峯二峯狀如丫髻天將雨則其巔出雲

寶珠

一作寶蓮

峯在靖安縣北四十里石門山中唐釋馬道

一卓錫之地貞元四年建骨塔宋紹聖初真淨禪師亦葬此

桃花峯在武甯縣東三十里

七臺峯在義甯州西八十里臺源之側

江前嶺在南昌縣南七十里亦名躍龍岡

白湖嶺在南昌縣南九十里下有白水湖故名

金嶺在新建縣西三十里西山下栖霞修煉所



緱嶺在新建縣西五十里西山與鶴嶺對陳宏緒寒夜錄云宋熙甯中王迪爲洪州司理有仙術跨鶴歷諸峯而去姓同子喬而跨鶴又同因以洛中緱山名之又游仙鄉太平鄉之界有吳仙嶺上有紫雲宮晉吳猛修煉地其下爲天師谷唐天師萬振敕葬杖履處

雷王嶺在新建縣西四十里中祀雷神一名靈峯嶺又東吳王嶺廟祀吳王孫策或云吳王濞鑄錢而祠之非也

桃花嶺在新建縣西北五十里桃花鄉明張位有家住杏花邨身寄桃花嶺之句後熊文舉得之有記云桃花嶺在西山四面如桃花不與眾山連屬最爲秀倩今裴氏種松萬株鬱然增勝

鶴嶺在新建縣西五十里一名鵠嶺

明魏良政鶴嶺詩靈峯插天表鶴嶺

在其西靄靄翠雲  
屏可望不可移

白仙嶺在新建縣西七十里祀宋真人白玉蟾

牛渡嶺在新建縣西北五十里太平忠信二鄉之間峻

聳盤紆

明萬時華曉度牛渡嶺詩巨靈開幽壤滄然劃  
茲區勢若羣兕蹲亦若干羊趨寒光積巖壑高

厚氣有餘悅疑處豹宅或有仙人居山中建子月萬嶺  
天風俱雲雨助奇勢車馬爭盤紆鴻濛遇雲將靈境將  
焉如焉

蜜嶺在豐城縣西十五里一名仙姑嶺高二百丈邑之

屏蔽上有招雲石劒脊石下有蜜泉清冽甘美

連珠嶺在豐城縣東南八十里高低聯絡如珠

盤賢嶺在進賢縣南三里許昔朱子往泉州與友人呂

祖謙盤桓於此故名

師古嶺在進賢縣東六十里鍾陵港水出此

流嶺在進賢縣西南二十里有石泉流不竭又名鄭公嶺

羅谿嶺在進賢縣西二十五里其麓有谿

泉嶺在進賢縣西四十里頂上有泉下注於澗冬夏澄澈

北嶺在進賢縣東北十里有泉東注洪源又尋江嶺在縣東北十五里明初取鐵於此

霧嶺在進賢縣治南百步環迤如帶元大德中縣尹趙銓鑿爲衢又東五里黃嶺有泉注於大滿龍潭

高宗嶺在進賢縣南四里相傳宋高宗南渡時宗室嬪

御駐此

國朝楊貞登高宗嶺詩選勝憑高煙樹閒虛傳玉輦度茲山錢塘花柳空佳麗不及松陰滿

舊關

野塘嶺在進賢縣東南六十里一名野塘峽巨石如盤西五十步有泉利灌溉

虬嶺在奉新縣東南二十里半屬高安上有漢劉繇廟狐尾嶺在靖安縣西南里許形如狐尾爲縣治來脈其上有神壇

碎石嶺在武甯縣西三十里

黃土嶺在武甯縣西北一百二十里山色黃有瀑布懸如長虹嶺腰有洞深邃不測

上坑嶺有二一在義甯州南十里登其巔可瞭一州一在州之高鄉與鼇嶺相接

修嶺在義甯州西爲宋黃庭堅故里

國朝丁宏誥過修嶺詩荒城文物

太凋零魯直才名照汗青千仞燕崖摩絕壁一泓修水  
繞虛亭殘楓早受秋光醉宿鷺多添夜氣腥子姓流移  
廬舍改獨存  
詩派說分甯

長定岡在南昌縣南二十五里梧桐岡在南昌縣東南  
三十里又東南十里爲橫岡其勢接旗頭岡橫偃而來  
當府城之上

象尾岡在南昌縣南四十里形如象尾相近有澹岡及  
隆岡宋淳熙閒進士劉邦本建隆岡書院其裔孫藏有  
朱子所題四景詩

齊城岡鼻塔岡俱在南昌縣東二十里

翻車岡在新建縣西南四十里上有許仙廟世傳許真  
人僕許大運米至此聞真人許蒼黃奔歸遂覆車於  
岡故名

綵鸞岡在新建縣西七十里吳綵鸞與文簡相遇於此

有會仙亭

明胡儼詩相隨一徑入煙蘿隱隱雲中尚踏歌松暝漸看山色近桂寒偏恨月明多一時

座上帷屏徹半夜巖前風雨過自是真仙形迹泯千年元契奈渠何國朝劉熙彩鸞岡尋仙虎迹詩寫成唐

韻擲人問馴虎同騎笑入山遺迹岡頭追不及野棠花落白雲閑

虎拜

一作拜

岡在進賢縣北二十里明洪武初孝子包

實夫拜虎處

陳善虎拜岡記包實夫瀘溪人也世業儒魯伯先生其父焉明經力學事親惟謹嘗

以丈行著於鄉故為受業者所賓禮洪武元年館於邑之太常里是冬歸省而復之焉由故塗至厚嶠忽值一

虎突其前實夫進退莫能避虎如伏狀類拜者徐起街其衣之左腋曳之行實夫隨其往至林莽中虎釋而蹲

實夫亦對而踞乃語之曰汝虎也爾得無陷吾肉殮於汝吾復何憾然吾二親俱七十餘汝能容吾畢其養乎

吾肉苟虎食終還於汝也虎乃起曳其衣裾復至故處舍而去嗟乎虎惡獸也何人心之有惟其父子之仁耳

故人之至通於神明實夫遇虎而然獸之仁由人以感之况孝弟之至通於神明實夫遇虎而不傷正色以待之豈非

視生之如寄死之如歸歟抑孝弟之至而有神明祐之歟則物吾與也孰無人心之謂哉予故傳其事以為事

親者  
勸

大歇岡在進賢縣東八十里下連小歇岡

鼓樓岡在奉新縣王見山西亦因唐宣宗得名

龍岡在靖安縣西四十里每歲旱禱有應

紫鹿岡在武甯縣東三十里與青牛洞相峙舊志云王

子喬騎紫鹿訪丁令威者妄也

驟馬岡在武甯縣西六十里俗呼走馬岡一名飲馬岡

宋紹興閒岳飛討賊飲馬於此

岳飛題驟馬岡詩立馬林岡豁戰陣雲開處

一谿流機春水止猶傳晉黍秀宮庭孰憫周南服只今

殲小醜北轅何日返神州誓將七尺酬明聖怒指天涯  
淚不收

洪崖在新建縣西四十里西山中一名伏龍山乃洪崖

先生煉藥處有洞居水中宸濠嘗屏水見底有五井各

方廣四尺許洞側瀑布泉狀如玉簾歐陽修品爲第八  
泉徐世溥游記云由江三十里抵洪崖兩崖石數十尋  
皆釜色時有白繡紛若疊菊直上高五六里西山之水  
飛鳴而下從石壁橫灑若疾風吹雨莫不斜飛左右有  
鐘磬兩石巨若輪橫無所倚水東奔激之翕然爲鐘聲  
若倚瀉西擊則鏗然若磬春夏水滿不復見但聞鐘磬  
聲也

雙泉崖有二一在義甯州西一百二十里崖口可容百  
人內有石類獅左右二石形如鐘鼓有池澄澈潑不溢  
旱不乾一在義甯州東泰鄉其中幽邃有水通武甯縣  
之康灘二崖禱雨輒應

仙蹟巖在新建縣西四十里西山凌雲觀側



桃花巖在豐城縣楮山讀書臺西石屋容百人有石牀  
無斧鑿迹巖上多桃花懸泉滴瀝清曠爲一山之勝國  
朝熊履廷桃花巖詩木脫山空一徑微緣崖爽氣襲人  
衣泉聲冷向巖前落鳥影低從池上飛片石留奇蟠佛  
座千峯積翠抱禪扉與僧共  
話疏林久指點閒雲願欲歸

野狐巖在奉新縣百丈山後昔懷海

一作誨

禪師開堂有

老人聽說法曰墮落此山今有幸矣明日見老狐斃巖  
下

宴坐巖在靖安縣北四十里寶峯寺側

清水巖在義甯州東北三十里

一作二十里

南巖有石室北

巖多蘭蕙黃庭堅云清水巖號爲天下勝處

靈石巖在義甯州西南一百二十里頂圓中空狀若懸  
磬又疊屏巖在州西一百八十里修水之上

秦人洞在新建縣西四十里齊源嶺側洞口容兩人稍  
進可容十人沙石明淨水聲在上從洞中聽之若笙簧  
自天來矣前有石門限由限進三十餘步石門閉不可  
開窺之綠草萋然多紫蜻蜓飛翔往來境幽窈舉火始  
可得徑昔有人者見石几胡牀之屬父老云世治則石  
門閉亂則自開以待隱者

宋潘輿嗣秦人洞詩秦人當日避風煙自種桑麻老洞天

綠竹橫谿雞犬靜  
不知門外漢山川

天寶洞在新建縣西八十里西山最勝處洞門有石泉  
狀如水簾宋嘗遣使投金龍玉簡於此又有翔鸞洞石  
室敞豁可容數十人

潘仙洞在新建縣北八十里翊真觀側相傳仙爲女真  
洞中有石棋枰又洪崖鄉有逍遙洞道士張逍遙修真

處

海棠洞在進賢縣東七十里臧嘉猷讀書處

投龍洞在奉新縣南四十里舊名浮邱石室乃浮邱公

游息處唐明皇於此投金龍因名昭宗時里人費一作黃

琯得金簡玉環簡重四斤十二兩上有鏤文八十字宋

大中祥符三年遣使復投金龍於此

李八百洞在奉新縣南三十里浮雲宮西洞口甚隘但

可側肩而入行數十步漸高敞其深莫測相傳異人李

真隱此自稱八百歲高安縣亦有李八百洞與此相通

唐開元初孫天師智諒於此藏道書又名孫天師石室

唐符載題李八百洞詩太極之年混沌拆此山亦是神仙宅後世何人來飛昇紫陽真人李八百

白水洞在奉新縣西南七十五里金港一名大澎潭兩

岸峭壁高十餘丈夾港石巉流怒噴瀉如練

雷洞在武甯縣南八十里洞中常有雷興人不敢入

牛皮洞在武甯縣西南六十里長田港水出此

龍鬚洞在武甯縣西北三十里路徑險仄龍鬚水出此

鳴水洞在義甯州黃龍山西南水行兩石閒其高數十

丈直下聲如雷流十餘里始達平田

宋韓駒鳴水洞詩崇山蒼鬱泉萬古

去不息瀕爲萬斛深散入千渠溢其東匯民田又北尋山腋斷崖如破瓜飛瀑中蕩激大聲或雷霆細者亦竿瑟末流垂半山十里見沸白得非拖天紳常恐浮地脈

石人洞在義甯州西七十五里洞口有石如人歲旱禱

雨以泥塗首輒應又州西南一百二十里有櫻桃洞

佛名石在新建縣西四十里齊源嶺下相傳石能爲厲

有僧鐫佛號於上故名又西山泉頂壇側有雞冠石

相公石在新建縣西六十里石室嵌空可容數人宋齊邱訪陳陶嘗憩於此至今名相公堂

鎮蛟石在奉新縣延眞觀內舊傳許吳二眞君逐蛟入穴以巨石書符鎮之

試劒石有二一在奉新縣西八十里一在縣東三十里梧桐嶺北相傳皆許眞君逐蛟試劒處

渚石臨水高三十丈上有字髣髴似印俗呼印山

了口石在奉新縣西南六十里浮雲山西一石分三尖大義石在奉新縣百丈山大智令眾僧開田爲說大義故名相傳師示寂時有石開一拳吾當再來之記後生紅柏一枝石因開焉

石柱在武甯縣西南一百里一作二百里俗呼南山神石周

迴二百五十步四面削成如柱

銅鼓石在義甯州西南大瀉山石高數丈形類銅鼓

抱子石在義甯州東十五里修水之濱石狀如人屹立

前有小石二故名

以上並據府州縣志

山二

瑞州府

碧落山在府廨後上有碧落堂相傳唐武德時應智瑱

刺郡鳳皇集於此山又名鳳山

宋蘇轍詩山川蟠踞偶成形威鳳低回久未行

更種梧桐真可致高飛性似伯夷清

小洞山在府城內府學右宋蘇轍與知軍毛維瞻探菊

賦詩於此明景泰初知府夏景建清風亭

逍遙山在府城西門外唐元和十年徙元陽觀於其上

宋改爲妙真宮有仙人李八百葫蘆井及煉丹臺

大愚山在府城東門外山麓有眞如寺宋呂祖儉上書忤韓侂胄安置筠州寓此因號大愚叟

龍化山在府南城西門外相傳東晉時有龍乘雲化去故名

龍珠山在高安縣西北五十里下有石圓如珠更有奇石生成以易二字倒插凌霄居山下者多以易登科甲又名以易山

白鶴山在高安縣西北七十里相傳東晉時仙姑丁秀英乘鶴飛昇舊有白鶴觀又西北爲高胡山相傳漢高胡侯陳夫乞封此鄉里立廟祀之旱禱如響又白雲山在縣西北七十里一名浮樓山亦稱小麻姑下有超果寺東西有澗有瀑布泉

社山在高安縣西四十里舊有樟木上多奇鳥棲止土人異之立社壇又西二里爲蓮花山峯巒攢簇如蓮花又西爲坡山因宋蘇軾游此故名

西龍山在高安縣西四十五里蜿蜒起伏如龍上有仙壇下有古洞天將雨則雲霧以興

謹案謝志西龍山亦名雞籠山然實二山

也一在水北一在水南今改正

鳳嶺山在高安縣西七十里隋刺史應智瑱嘗屯兵其上嶺勢峻拔遠望如鳳相近爲飛霞山相傳豫章吳猛修煉之地每齋醮有鶴棲息於此旬日乃去復有彩霞覆之

米山在高安縣北二十里其平坦通行處名米嶺四面流泉土地膏沃生禾香茂爲米精美唐武德七年因產



香米奏改州名爲米州

遼山在高安縣西南四十里下有南唐朱齊邱故宅又西南二十里有青山接臨江府清江縣界

荷山在高安縣南二十五里其前爲琴嶺池有紅蓮故名昔仙人王子喬駕白象來游象化爲石名白象石山巔有丁王二仙壇下有棲霞觀黃金城亦名小浮邱釣山在高安縣南三十里山上有劉仙翁洞又南十里爲羊山俗名石炭嶺永初山川記云山產然石以水沃之卽然措鼎可烹

敗伏山在高安縣南一百里方輿記云陳武帝與賊戰此破其伏兵故名

觀山在上高縣城內登之可望遠故名

末山在上高縣西六十里東連九峯迥出雲末故名有

道詮禪師道場

明楊登東末山雁字詩山來天末柱如擎題柱年年雁有情何事排空頻作客

每銜霜信  
報新晴

靈峯山在上高縣東南二十五里舊傳晦冥風雨之夜

山有赤光其大如斗號曰金雞土人以爲神卽其頂立

靈峯廟相近有寶雲山巉巖翠藹中有寶雲院

鏡山在上高縣北二里許其山有三端圓如鏡中一徑

通行者兩山對峙如門其下爲鏡谿縣東水南五里許

有屏山其勢連互若屏

石潭山在上高縣西五里許山下潭中有龍門石當灣

谿水口相近者爲柘湖山山麓坦夷鄉人栽柘以飼蠶

遇蜀水秋漲則瀾漫如湖又縣西八里有小水山西南

江門縣志卷五 山二  
與天嶺相接橫至七八里許起伏如浪

鐵索山在上高縣西二十里形有九十九支

一作股

桃源山在上高縣南二十里巋然如屏春月萬花爛然  
宋幸元龍號曰人世仙境大書小桃源三字以顏之西  
有西嶺三峯聳拔狀若筆架南有天嶺行者若登天然  
北有大王嶺石峯插天

萬石蒼山在上高縣曲禮里之水口其石紫而光潤四  
源十坑之水皆潄於石蒼之下而東石蒼之外有遠峯  
十餘如貫珠焉

櫟頭山在上高縣西一百里接袁州府萬載縣界

白馬山在上高縣北十五里相傳昔有白馬嚙草山頭  
人至輒奔騰而沒鄉人異之故名

顧城山在上高縣西北十五里相傳昔有顧王都其上

每歲仲冬鄉民相率祀焉

謝志舊案山南二里有古屯軍營顧城乃故城之訛

龍頭山在上高縣東南二十里墻谿巉巖如畫

黃岡山在新昌縣西北八十里山勢峻拔爲縣境諸山之祖明萬厯閒賊據爲藪因具題封禁

三台山在新昌縣南勢聳而秀近城諸山此爲勝上曰鹽嶺下曰鹽洞

綠秀山在新昌縣南二十里又名案山其下有澄潭

桂林山在新昌縣東南二十里舊傳晉陶淵明嘗居此

尉山在新昌縣東北七十里接高安縣界相傳漢梅福

爲南昌尉上書言事不報攜妻子隱此又縣西北七十

里亦有尉山

靈源山在新昌縣東六十里宋姚勉居山下

石臺山在新昌縣南二十里下有清涼院宋蘇軾與弟轍嘗游此又南十里爲志留山相傳梁志公駐錫於此下有定慧院

螺山在新昌縣西十里俯瞰螺灘有東列螺西列螺俗呼贛山

鳳凰山在新昌縣北三十里層巒聳峻下有仙人石在新會市之谿濱相近者爲雲谿山其下有度門院山幽泉清宋聶昌龔端讀書於此

雲谿山在新昌縣西北三十五里一名雲峯又西北十里白雲山

擎山在新昌縣東北三十里山形高聳勢若擎雲

章平山在新昌縣西北三十里瀑泉穿石飛雪數仞

吉祥山在新昌縣北五十里一名瑞雲山又名百吉山

唐悟本禪師居此上有聰明泉下有吉祥院

八疊山在新昌縣西北九十里疊嶂縱橫斷而復聳故名接奉新縣及義甯州界

五峯山在新昌縣西七十里上有歸雲積翠羅漢月桂佛巖五峯故名中有瀑泉宋崔鷗嘗游此

黃檗山在新昌縣西七十里一名鷲峯山絕頂有鷲峯

寺唐宣宗龍潛時游此嘗與黃檗禪師觀瀑布聯句唐宣

宗聯句詩千巖萬壑不辭勞遠看方知出處高巔溪澗豈能留得住終歸大海作波濤宋劉克莊詩出縣半程遙松間認粉標峯排神女峽寺創德宗朝鶴老巢高木僧寒颺墮樵早知人世淡來往退居秦

台峯在高安縣西北三十里斜谿之西三峯如台星故

名

慈雲峯在高安縣西北六十里宋張商英曾游此

碧雲峯在高安縣西南八十里上有雷祖殿其側有所

夢館

員嶠峯在高安縣南八十里其南隸清江縣

九峯在上高縣西四十五里末山之東北其峯有九曰  
雲末飛雲香鑪翠霞蒼玉芙蓉清流蛾眉天竺皆奇聳  
峻拔宋蔣之奇漕江西嘗游此明鄒守益勅講堂東有  
靈龜洞後有羅漢洞

蒙山在上高縣南三十五里有銀鉛坑治宋慶元六年  
置銀場於此名其山曰多寶峯後提舉司上言礦絕而

廢

謹案謝志蒙山多寶  
峯誤分爲二今改正

烏峯在上高縣南七里產烏藥故名又距縣二十五里有梅峯有梅福廟

折桂峯在新昌縣東一里尖聳秀特俗呼火燄山宋縣令劉明老剡平其巔以息火災明成化間知縣羅贊培之亦不爲災

石鼓嶺在高安縣西三里與府學對峙下有潭上有石鼓及臥牛石明正德間知府鄺璠伐石壘塔其上名筆峯今廢

圭嶺在高安縣西北近華林山有南北嶺三寶嶺勢皆危峻明正德七年官兵分屯於此以討華林山盜馬鞍嶺在高安縣東二十五里宋景定間民多避亂於此



曦嶺在高安縣西南三十里府學門對之峭峯如畫又西南二十里爲虎迹嶺相傳晏仙騎虎飛昇之地石有虎迹

蔭

一作陰

岡嶺在高安縣西南八十里有墟市舊設巡檢

司於此

李家嶺在高安縣西六十里下有石洞鄉民嘗避寇於中有插天石形如筍高七八丈

清潭嶺在高安縣東南三十里又縣西北五十里有湖碑嶺

敖嶺在上高縣北三里一名敖山相傳晉敖真人得道之所上有磨劒石煉丹竈

蓬萊嶺在上高縣西六十里相近有刁嶺一名鷲嶺又

有石嵩嶺奇石聳如嵩嶽故名

仁源嶺在上高縣西十二里石陂水發源於此

禮架嶺在上高縣西北六十里高峻多石有洞甚深闕黃鳳嶺在上高縣西九十里俗傳昔有黃鳳集此

寶珠嶺在上高縣南三十里近蒙山相傳道明禪師自庾嶺來卓錫夜以寶光珠照十方故名嶺接新喻縣界浮樓嶺在上高縣西一百里末山之西山峯秀拔下有小谿俗以其形如樓之浮水故名其西隸袁州府萬載縣

銅釘嶺在上高縣西二十五里靈峯山側一名銅精嶺俗傳許旌陽以銅釘釘蛟於此

謝君嶺在上高縣西一百里亦名大烏尖高數百仞相

傳謝仲初於此得道

袁州嶺在上高縣南九十里末山之南其嶺至分水界外隸袁州府宜春縣

倉庫嶺在新昌縣東南五里五鹽嶺在縣西南二里合鹽泊鹽洲鹽渡鹽谿鹽步爲五故名

石門嶺在新昌縣北二里舊峻絕不通行旅宋令劉明老鑿開之或云邑人蔡疆所鑿

黃茆嶺在新昌縣北二十里脈自章平山來上有楓樹三株大丈餘雲氣磅礴絕頂鑿石通道宋淳熙間有龍見居民羣聚鼓噪龍投山下須臾地裂水涌近山田宅決沒爲湖者數頃因號其地曰龍破

金剛嶺在新昌縣北五十里上有洞山寺後爲雲峯壇

相傳智慧禪師種萬松於此每種一松輒誦金剛經一卷亦名萬松嶺又縣北有彭祖嶺

西嶺在新昌縣東北六十里形若拜舞一名拜龍山又東北十里爲北嶺峯巒萬疊中有瀑布縣北二十里有三聖嶺

蓮香嶺在新昌縣西六十里亦名連鄉接萬載縣界分鄉嶺在新昌縣西北一百里其脊接甯州界大姑嶺在新昌縣北八十里與八疊山相連縣之關隘宋元設巡司於此上有仙姑剪刀石

雲峯嶺在新昌縣西北九十里其山性腴四時之菜自生上有龍潭真武壇張梅二仙壇及仙人石迹又西北十里爲分鄉嶺接南昌府義甯州界其下有谿

龍岡在高安縣東一里梁太清閒爲龍岡寺唐卽其地  
建靖州今爲禪寂院

退田岡在高安縣西北二十里相傳兄弟有訟田者至  
此而悔故名又西北二十里爲青石岡暴雨後有石錢  
石磨等物如指頭大者甚多

舉子岡在上高縣西六十里唐進士易重居此相近爲  
天則岡土高一丈八尺岡南有遺甕故碑俗云古王者  
墓

旺賢岡在上高縣北二里一名黃田岡

紐源蒼岡在上高縣南二十五里梅沙橋北相傳晉許  
遜煉丹於此山湫有蛟魅輒作洪水衝漂丹室乃擒之  
釘於石壁寺前有丹井大旱不竭

赤硃岡在新昌縣東八里產紅硃又縣東南二十五里有柘木岡

蒙巖在上高縣南蒙山下有二石洞相望數百步能出雲爲風雨歲旱禱焉上洞不可游玉沼當戶俯視惴慄下洞虛豁其廣函丈深不可究中有石佛石獅石羅漢之類又有巨石屹立巖間上下無所附謂之無根石荔枝巖亦名龍巖在上高縣西南末山香鑪峯有石如盤其上生石似荔枝有洞曰龍洞

靈巖在新昌縣三十七都亦名天隱洞又名靈巖洞石像甚奇右折百餘步有石巖青質白理隱成佛字拭之愈顯

春洞在府廡後碧落山每遇立春日陽氣吹灰出外以

雞鷺羽貯其中輒軒舞而出

迷仙洞在府廨後卽碧落洞又名李八百洞閉塞不可

入宋紹興壬申州守羅薦可建屋洞旁

宋蘇轍李八百洞詩洞府山川

百里除洞門藤蔓鎖煙霞神仙不與人間異弟妹還應共一家

四基洞在上高縣南一百里深數里後有穴可出洞外

有四峯彎環回抱故名亦作四谿洞

謹案謝志稱舊志云洞基占上高宜

春分宜萬載四縣界故名考是洞距宜春分宜界八九里萬載縣界十餘里謂占四縣界者誤

慈光洞在上高縣西四十里緣梯而下有門可入壁間

舊有題云唐乾符二年黃巢作亂在此逃避相近有鄧

敖二仙洞

眞游洞在上高縣西五十里潤谿泉側洞極深廣有佛

像石乳及石基局又西十里爲石含洞洞有井鄉民歲

首以火燭井水溢歲豐涸則歉旱縣南二里亦有石含洞

龍王洞在上高縣西百里許其流早晚黃濁與潮候相應有石可坐百人

小石龍洞在上高縣上馬湖之右其山形勢如屏洞窈黑非炬莫行旁有兩臺酷似龍頭角鱗甲俱備禱雨多應

龍泉洞在新昌縣西十五里俗傳源出離相院穿地十里乃出流於谿宋大觀中崔鷗游此

九宜洞在新昌縣西北鹽谿中有靈石自成峯巒水涸可觀雲氣上浮則風雨至

桃花洞在新昌縣北二十里一名雷孚洞又名周隱洞



澗壑幽邃明里人熊獅子經臣結茅居此號楓山逸叟  
呀口石在高安縣西北近華林山明正德間劇賊陳樞  
一自詭其神殺人祀之用以駭眾

火石在高安縣北調露鄉其石黑色如鐵宋丁綱知韶  
州任滿載還或云丁仙姑煉成者丁氏覆以亭世祀之  
金石在上高縣儒學前上有三丫羅漢石在縣東羅漢  
院側相傳江漲石隨水長

葫蘆石在上高縣南十里狀如葫蘆又縣東二十餘里  
有白面石形似人立故名

厭水石在新昌縣東五里其石高五尺徑一丈相傳許  
旌陽立此以厭邑之水災

夜合石在新昌縣東北五十里洞山寺水口相傳其石

晝開夜合今不復然

顧淵石在新昌縣東南三十里半入淩江嶙峋高聳或  
云此石回顧縣治又名顧縣石明成化閒豪民漆姓伐  
石燒灰學使鍾瑄給榜禁止

府以上並據  
縣志

江西通志卷五十

江西通志卷五十一

山川略一

山三 袁州府

袁山在宜春縣東凡五里峯巒秀拔相傳漢高士袁京  
隱此卒葬其側故名後遂以山名州一稱大袁山其西  
曰小袁山迴聳相對

仰山在宜春縣南八十里袁之鎮山也周迴數百里高  
聳萬仞可仰不可登因名絕頂有集雲峯入夏雲冒其  
嶺則雨至冬微陰卽停雪山下有唐鄭谷讀書處太平

興國禪寺二神廟小釋迦骨塔

唐李咸用望仰山憶元  
泰上人詩晴嵐凝片碧

知在此中禪見面定何日無書已一年高秋關靜夢良  
夜入新篇仰德心如清風不可傳宋王庭珪送元  
上人游仰山歸泐潭詩兩利峻嶒隱翠岑卻擔拄杖出  
煙林來時飽喫東禪飯歸去泥添古佛金絕嶺松篁青

玉瘦上方魚鼓白雲深是中不可著言句且聽牛山驚  
鳳音范成大游仰山謁小釋迦塔訪孚惠二王遺蹟  
贈長老混融詩渚田谿淵清洄洄梅州問路家雲堆連  
空磴道虬尾滑竹與直上無梯階官吏來迎夾道立相  
逢無言心眼開翠微中斷雪礪吼兩耳不辨供墮林  
閒靜極成隙相政要萬壑號風雷山如蓮盆繞金地騰  
宮避席餘蒼崖祖師抱膝坐古塔大禪海浪翻天來騰  
空狡獪我未販拄杖踏涇衝莓苔問龍亦借一席地埋  
包聽雨眠西齋當年公案忘錯舉神道佛法同坑埋  
融菴中的意笑我又大宿仰山翌旦驟霽道中作譙  
田米賤如黃埃又大雨宿仰山翌旦驟霽道中作譙  
開仰山雲此豈吾力及日光千丈毫彈指眾峯立衡山  
捲陰氣海市發冬蟄韓蘇雨枯魚出語自濡灘人阮與  
天窮底用苦對執但喜拄杖俊仍欣芒屨淺山容瘦  
泥有足似羈驥一簞寄前村野藪旋收拾貓頭髯笏尖雀  
風餐磴聲急一簞寄前村野藪旋收拾貓頭髯笏尖雀  
舌剝茶粒土毛冠江西北酒況可挹聊同一笑紮緩賦  
百憂集張杖定叟弟頻寄黃檗可挹聊同一笑紮緩賦  
集雲峯頂風霜飽黃檗洲前水石清不入新茅口占小詩  
祇應山澤擅高名李冲元仰山詩紺蟬千尋苞供玉食  
我來心地已澄清孤雲欲作人閒雨流水空傳物外聲  
老柏倚巖高轉瘦寒花著雨墜還生故人頗怪歸來晚  
遠寄新詩照眼明趙汝錢仰山行詩平生幾兩謝公  
屐愛山愛水真成癖集雲峯在指顧閒年來抗塵乃絕

迹西風慙慙作意登佛境未入心境清九秋顓氣接嵐  
氣五里松聲答泉聲招提金碧壓深窈鐘鼓四時遞昏  
曉梵音獨許山鳥聽禪夢不驚蝴蝶繞土映露飽蔬筍  
鮮一粥一飯天上仙伊蒲供罷口卓午淨室半是烹茶  
煙四藤欲知閣中味萬字欲參堂上意  
請將此事且放置坐看山雨濯曉翠

湖岡山在宜春縣南十五里晉鄧表居此山頂有煉丹  
臺養丹池朝斗石

小仰山在宜春縣南三十里晉鄧表修煉於此一名鄧  
表峯上有泉壇石臼藥竈又名水晶山

蟠龍山在宜春縣南四十里自麓至頂凡三十六曲有  
蟠龍寺唐末鎮南節度使鍾傳建四面壁立湍瀑飛瀉  
龍門關扼其前

石門山在宜春縣南六十里石峭如壁中通小徑又南  
十里爲木平山山有三峯宋州守王古禱雨有應遂名

其中峯曰妙慶左曰瑞光右曰慈雲

震山在宜春縣東十里本名呼岡以形似畫震卦易今

名亦稱馬鞍山下有巖幽深險僻唐彭構雲隱釣於此

寶應中徵召不就郡守名其巖曰徵君釣臺又東十里

爲鵬山唐盧肇震山巖記宜春郡東五里有山望之正

方如畫震卦郡人名之曰呼岡意者謂其若長幼相呼

同在處其義不顯予無取焉其西北有石室臨游谿

之溪邑人彭先生嘗釣巖下先生諱構雲善黃老言寶

應中詔以玉帛召先生不至時太守命其鄉曰徵君郭

巖曰徵君釣臺咸通七年予罷新安守以俸錢易負郭

二頃在震山之西又得楓樹之林於谿南日與郡守高

公遊其下公名厚衣纓之茂士也爲政嚴簡民悉安之

予以震山易呼岡之名白公公喜命刊其事於巖下予

既得西林而羅鳥置免挾彈走馬於其間亦請命其林

曰盧氏弋林以對其東彭氏釣渚也因謂高公使郡人

無得樵漁於是林之植樂杉檜不日豐茂以冠於郡高

公因戒吏以丹書貽盧氏使西疇之人世世掌之郡民

相率言曰二刺史俱好事者吾僭幸寓目焉

遂以刊之是歲景戌十一月二十三日記

坤長山在宜春縣西南七里脈自坤方來連亙甚遠故名

書堂山在宜春縣西南三十里唐盧肇讀書於此萬載縣西八十里亦有書堂山晉習鑿齒避地處

石屋山在宜春縣北三十餘里洞深百餘丈有石柱石鐘石鼓之屬

老山在宜春縣西南六十里崇高峻拔山巔飛瀑下注爲清瀝江

將墳山在宜春縣西一百里周四十里高三里相傳漢武帝時將軍易泐者領兵至宜春卒於此因葬焉

寶山在宜春縣北六十里相傳肅禪師過此山遇訟者勸之云欲出輪迴道先回自己心訟者以此言爲寶故



名

望鳳山在宜春縣西北七十里中一峯遠觀如鳳

喝斷山在宜春縣北一百二十里接萬載萍鄉二縣及湖南瀏陽縣界兩山峙若天門中通一徑爲八省往來必由之道險隘斗絕

鈴岡山在分宜縣南二里新澤水出於右長壽水出於左夾於山末故曰鈴山勢聳特登之可眺一邑上有仰山行祠山腰有泉病者飲之輒愈山半有問東亭明推官徐之孟創今圯

國朝守道施閏章重建撫松亭

仙臺山在分宜縣東南五里羣山環抱一峯高聳相傳昔有牧羊者登山遇兩仙對弈語曰子下界人也何爲

來此今名其邨曰下界

鐘山在分宜縣東十里水南曰南鐘山水北曰北鐘山  
裴子野宋略云永嘉元年因洪水有大鐘從山下流出  
驗其銘云秦時樂器故名山有巨石臨江如峽又名鐘  
山峽接臨江府新喻縣界輿地紀勝云有漁人得一金  
鎖長數百尺又得一鐘如鐸狀舉之聲如霹靂山川震  
動漁者恐亦沈於水或曰此秦時驅山鐸也

昌山在分宜縣西二十里險嘗覆舟舊名傷山後改今  
名又名昌山峽顧野王輿地記云晉永嘉四年羅子魯  
於山峽堰爲陂灌田四百頃

銀山有二一在分宜縣南二十里山巔多白石一在萬  
載縣西十五里山有巨石白如銀石閒有洞可以避寇

清風山在分宜縣南三十里下有寶慈觀相傳西晉時黃仙姑嘗修煉於此有煉丹池又南二十里爲白巖山有永清院

清泉山在分宜縣北六十里山有池其水清澈

貴山在分宜縣北四十里舊產鐵宋雍熙初置鐵務後廢

龍王山在分宜縣北七十里又縣北八十里有陳重山棗木山

玉岡山在分宜縣西二十里卓立如削玉其下平夷幽曠又西五里爲雪山古木繁陰冬有積雪又西十五里爲光子山相傳晉有淪川侯李琳字光子者葬此故名又西二十里爲大梅山其山多梅

臺山在分宜縣北二十五里山頂平敞若臺

雞足山在分宜縣東北八十里下有勝因寺寺背有石孔日出鹽以足寺用後有貪其利者鑿之鹽遂止

徐仙山在萍鄉縣西三里相傳唐時有徐姓者於此修真後仙去

筆架山在萍鄉縣南里許高聳秀拔與縣廨後五鳳山勢若相迎故名迎鳳嶺宋乾道中縣令趙公廩建塔其上明嘉靖中知縣梁用達增建其二於東三塔形如筆架改今名俗又呼塔嶺嶺有四望亭仰山壇久圯

毛仙山在萍鄉縣東二十三里古有毛仙驛方輿記云昔有人過此山逢一人徧體生毛言辭異常後不復見朱子過此嘗問驛卒云狐魅所爲遂題詩驛中

石姥山在萍鄉縣西五十里有石屹立如姥瞻望

南源山在萍鄉縣北五十里山平坦上有石似羅漢名羅漢巖下有廣利禪院山南有泉四時不竭相近者爲浴室山山下有浴池

雲蓋山在萍鄉縣東南一百十里雲氣氤氳朝暮不散九嶷山在萍鄉縣東七十里連帶九峯故名山側有仙鶴嶺若雙鶴飛舞狀

五金山在萍鄉縣西七十里五峯相連皆西向故名

楊岐山在萍鄉縣北七十里相傳楊朱泣岐之所亦稱煬岐山謂隋煬帝曾經此有煬帝壇旁有玉女殿內有九石房相映如屏風世傳仙人所居相近爲瑤金山唐普濟大師道場上有淥水洞靈丹井

唐唐稟詩還竹穿花越幾邨還從舊

路入雲門翠微不閉樓臺山清吹頻回水石喧天外鶴  
歸松自老巖開僧逝塔空存重來白首良堪喜朝露浮  
生不足言劉廓詩千峯圍古寺深處敞樓臺景異尋  
常處人須待達來松杉寒更茂嵐靄出還開欲續豐碑  
語合毫根不才

楚山在萍鄉縣北九十里相傳楚昭王曾經此

羅霄山在萍鄉縣東一百二十里昔有羅霄者居此故

名一名盧蕭山山頂二水瀘水東流入廬陵瀘水南流

入湖南醴陵縣界又稱瀘瀘山與武功山相連高數千

仞下有石潭深不可測旁出石乳又名羅霄井相傳爲

葛仙浴丹所早禱投以大木長三四丈者卽雨水湧木

出乃止其東隸吉安府安福縣界謹案謝志於吉安府

山又引安福縣志盧蕭山四瀘瀘二水得名袁州府志

別作羅霄謠攷萍鄉縣志言山無盧蕭名羅霄之名見

王孚安成記後謠作盧蕭瀘瀘皆一聲之轉稱盧蕭者僅見於元趙儀可武功山記

江西北路卷五  
龍山在萬載縣城北龍江經其下山勢刻施爲縣之鎮  
官衙綴倚其麓俗呼官山東南二百步有三石卓立潭  
中亦名筆架山縣南三百步有月臺山狀如滿月又縣  
東南二里許有白塔山

紫蓋山在萬載縣西北十五里山勢崇聳屹若車蓋舊  
名雲蓋山或云仙人謝仲初嘗游此有紫雲上覆故名  
五雷山在萬載縣北二十里五山相連與逍遙觀拱對  
遇旱禱雨輒應又四十里山在縣北三十五里林麓深  
邃周四十里故名

湯周山在萬載縣西三十里相傳晉安帝時湯周二仙  
得仙於此上有觀觀後有碁盤石試劒石

峯頂山在萬載縣西南三十里相傳爲馬祖道一駐錫

處舊有上中下三塔今惟中塔存有泉清冽歲旱應禱  
金雞山在萬載縣北三十五里山童不毛有巨石在山  
下相傳夜嘗有金雞見故名

雞籠山在萬載縣東南五里平地突起周迴盤旋巉石  
壁立西南有洞從穴入可容數人有泉四時不竭

穩山在萬載縣西八里兩山對峙中通一徑俗呼穩山  
關其相接者曰坤山聳峻嵯峨東曙不及惟斜陽可到  
往來者皆經其上

阜山在萬載縣北六十里色如阜接瑞州府新昌縣界  
一名連香嶺

龍門山在萬載縣北九十里羣峯環聳中有凹路狀如  
龍門



清泉山在萬載縣東北四十里絕頂有瀑布泉俗名小仰山

謝山在萬載縣北七十里以宋謝靈運得名舊有靈應觀劉長者讀書堂今廢

九龍山在萬載縣西一百里其山有九嵯峨秀麗常有雲覆之又西二十里爲鐵山舊產鐵接湖南瀏陽縣界羊角峯在宜春縣東十里雙峯如羊角一名雙箭峯聳翠峯在宜春縣西三十里峭壁孤峙

甘竹峯在分宜縣西三十里

明山峯在萍鄉縣北二十五里特立聳峙可以四眺中有仁濟院

石筍峯在萍鄉縣東九十里峯律如筍其左有葛仙壇

玉女峯在萍鄉縣東六十里亦名玉女墩又名玉女岡  
天將雨有五色雲氣湧出石閒俗呼玉女披衣

鷺鼻峯在萬載縣東五里爲東岐山最高處元虞集愛  
此山若蜀中鷺鼻峯因名

神岡嶺在府城南門內凡祀仰山者皆由此故名又宜  
春縣西四里有王坡嶺相傳嘗有王者葬此

銅釘嶺在宜春縣西南五里相傳長沙溫氏墓宋初削  
平僭僞因鎔銅灌其頂故名又西南十里爲金鐘嶺  
仙女嶺在宜春縣西三十五里下爲宋成恭夏皇后所  
居

分水嶺在宜春縣東南六十餘里與嚴營山寨相近皆  
爲防扼洞寇之所

嚴嶺在宜春縣北五十里山勢峭拔自下而上有小徑十八折其頂名仰公山下有小谿溉田甚廣

淵富嶺在宜春縣南六十里接吉安府安福縣界宋嘉定四年嘗於此置寨以遏郴寇

大軍嶺在宜春縣西北九十里一名大將嶺嶺腰有泉名水漿湖相傳隋煬帝時戰場

袁嶺在分宜縣西北十餘里七峯聳起其上峯如列戟相傳東漢袁閎隱居其下

石分嶺在分宜縣南五十里一作十里抵安福界又南二十

里爲仰嶺一名大岡山極高峻登之可遠瞰吉安城相

傳唐時有尙雅祖師騎虎至此因建寺

烏岡嶺在萍鄉縣西南三十里兩峯相峙茂林鬱鬱

排衙嶺在萍鄉縣西十五里數峯排列高下森然又縣西六十里有土硃嶺其石堅赤如硃冶者取以煅鐵  
多迹嶺在萍鄉縣南三十里山勢聳壘石上有多迹相傳元季禦紅巾賊於此土濠尙存

牛頭嶺在萍鄉縣西七十里高出雲表首尾延袤四十餘里

聖岡嶺在萍鄉縣東五十里眾山迤邐望之蒼翠晉甘卓駐兵築壘其上有聖岡廟祀卓又縣南馬迹嶺亦卓遺蹟

案山嶺在萍鄉縣北五十里兩峯對峙中平如案故名  
上有高寒亭

鶴嶺在萬載縣西南二十里一名洪岡嶺與仙游巖相

望

十八渡嶺在萬載縣北四十里谿水環其下往來凡十八渡後闢路嶺上行者便之俗譌爲十八洞

白水嶺在萬載縣西八十里其下谿水色白故名

大關嶺在萬載縣西六十里羣峯聳翠中道崎嶇俗名大官嶺

浮樓嶺在萬載縣東十里巔屹秀麗兩山突出如角遠望若樓浮雲中

黃皮嶺在萬載縣北八十里與謝山相對上有石屋相傳黃皮二仙修煉於此

太陽嶺在萬載縣西一百里形勢陡峻周廣百里未旦日光先照至昏不暝

萬勝岡在宜春縣東五里楊吳時柴再用與米志誠討  
劉景崇每出師岡下不戰一日列陣岡南大敗之見九  
國志

天子岡在宜春縣西北五十里旁有駙馬塘

楊桐岡在萬載縣東北二里許多白楊桐樹縣西里許  
有赤硃岡產土硃

小南嶽在萍鄉縣西七十里山勢嶙峋上插雲表登之  
可見瀟湘廬阜

化成巖在宜春縣西北五里下瞰秀江舊名化成臺僧  
屋其上爲開化院巖內有石佛唐李德裕嘗讀書於此  
又名衛公巖宋阮閱化成巖記宜春太守龍舒陳元明  
視城壘相形勢慨然念韓退之謝章曰人安吏循閭里  
無事此非古刺史語乎銷盜賊還流移撫凋瘵吾職也

時方艱難要以從容鎮之稽考圖經訪求父老見歷代  
人物之盛如漢陳重之謙虛唐盧肇之邁往鄭谷之華  
藻其間接武公卿肥遯林壑者殆不可勝數則又嘆曰  
山水所鍾固應爾耶仰山峭聳萬仞距郡南數十里比  
以渴雨請於神輒應未及詣山拜賜也郡之西北有巖  
曰化成距江才二里許歷覽山川回規城郭號為勝地  
部使者趙粹中曰巖以仰山對盍試登之翌日相與俱  
來顧予曰舊傳唐贊皇公嘗居於此因摩挲石刻驗之  
不誣東西二軒巖之上與其旁兩小亭皆未名而記之  
予因以贊皇公宜春十五賦二詩讀之掇其語曰倚幽  
巖而將夕故以倚巖名西軒積松杉之翠靄故以振鷺名  
名東軒臨眺峯岑振鷺翔集見於公所賦故以振鷺名  
巖旁之亭不但臨流可觀亦想像公之羽儀如此巖上  
一亭特名曰仰止蓋以見吾曹仰止公之羽儀之意而  
揖仰山相為酬酢雖欲辭此名而不受不可得也贊皇  
公相太和間方文宗意欲向訓注奮身排之連貶為是  
長史而不悔放浪林泉著之言語其賦鷺鷥有君子小  
人之辨而嘉與芳叢之晚榮足以見其崇靜退之風逮  
相武宗削平澤潞舊服三鎮凜然與裴度齊名大中以  
後無能繼之者嗚呼昔人謂邱壑廊廟不相為用贊皇  
公兼有之然則後之所以仰止公者豈獨惓惓於巖石  
之間為哉明曹光化所成巖續記袁郡西北距城五里  
許有崇岡平臺可寄登眺之勝者曰化成巖俗稱官時  
名開化院舊有精舍乃唐李肅公德裕謫官時寓居讀

書處也夫衛公立朝大節固莫能殫述卽其陳丹旻排  
訓注薦盧肇逮平澤潞服三鎮諸事皆可爲後人法程  
則千百世之下因其地思其人豈徒資游觀焉已哉  
宋及元宦游於袁者相繼建亭構祠侈傳其盛後莫有  
嗣修之者而歲久寢廢古蹟不可復覩戊午秋尙書郎  
渤海季公來守是郡暇日登覽茲巖見岫環如壁巖虛  
若軒下瞰寒江高樹鬱蟠綺如障如奇觀競出而衛公  
之蹟則湮矣乃愀然曰先賢遺矩方將爲後人繩武而  
忍其湮沒至此乎是守土者責也遂撤舊稅課局之廢  
材卜日命工建屋於其上中爲燕堂凡三楹扁曰化成  
軒旁有廟宇以供香火間館以備庖烹經始於己未年  
七月落成於八月由是舒嘯有止燕喜有居荒莽之區  
蔚乎改觀詎非斯巖之幸歟嗚呼自有天地則有此巖  
厯數千百年得衛公而名始顯今去衛公又數百年得  
季公而名復揚豈偶然哉使後之繼守是郡者亦如我  
公所以追慕衛公之意而益葺其所未備則茲巖之名  
稱雄於袁郡當不朽矣不然安知茲巖不爲樵牧之地  
而亦如今之所以悲昔者邪予以臺末謫試是郡其迹  
稍同於衛公自愧才德不逮遠甚而竊謂季公之恢復  
古蹟真有以克紹衛公之休者也爲稱述其事勒石以  
記俾後之觀斯巖者有考焉季公名德甫字仲修別號  
竹隅蘇之太倉人其他政蹟赫奕當自有記之者茲弗  
著宋李若水詩翠石黏雲溼寒巖帶蘚深樹涵懷古  
意水印讀書心經濟神猶在幽棲徑可尋青甃吾舊物



稅駕臥山陰 趙善堅詩低帽白蕉衫跨馬北巖路爲  
我撤炎歊時有清風度杖策躡蘿窮幽趣怪石  
鳴瘦筇狹徑窘危步雲間啟深洞玲瓏天巧露僧居羅  
上下鐘聲答晨暮長嘯排羣鷁圍棋驚振鷺陶寫屏絲  
竹恐爲風景汚拂蘇題蒼崖縱橫醉中句茲游豈易得  
載酒莫辭屢 元郭鉅登宜春衛公巖詩衛公舊日讀  
書處落孤亭紫翠中野迴紅光分暮雨天晴木葉響  
秋風武皇國勢資雄略牛黨私讐累至公論定是非誰  
復在晨鐘空託梵王宮 國朝施閏章詩林木鬱江皋  
心知好邱壑攀躋尋宵深穿巖得疏豁萬古青蓮花蒼  
寒半舒萼鐘歇灘響聞嵐開峯翠落荒臺存往蹟暝煙  
見城郭延目散襟顏倚石恣觴酌卻羨無心雲逍遙去  
廓寥

粟坑巖在宜春縣西南七里深闊三十丈有小竇通明  
可步出巖頂

帝鐘巖在萍鄉縣北五十里高十丈深四丈中有石倒  
立長三尺擊之聲如鐘

翠巖在萬載縣城北百餘步石壁凌空俯瞰龍江下有

穴泉味清冽

陶逸巖在萬載縣東三十里突起平田約高三丈相傳唐陶沔嘗居此中有石屋人稱爲陶公石

水晶巖在萬載縣西五十里飛瀑流瀉歲旱多禱於此又縣西十六里仙游巖有石類鐘扣之清越又有石類道士狀俗稱仙人石

靈

一作雲

棲巖在萬載縣西九十里高數丈有泉自周公

洞流經巖下相近有龍成巖山勢聳特中有石室宋元祐中人於其中得一獸骨頂穹然如角識者謂龍蛻骨也石狀如仙者數十下有石鐘扣之有聲有石硯巖溜注之墨橫硯上筆在硯旁皆石也有石人坐白沙旁如鸞鹽狀或埽之他日復積

唐張諤靈棲巖詩截截業業山如簇磊磊落落石如屋上

有綠樹之陰陰下有寒流之淙淙通天有竇十餘丈游  
子捫蘿來復往是中端合巢神仙桃花流水何杳然我  
來正值春風暮似笑賢勞又還去準  
擬釀酒聊從容對此坐想飛來峯

玉谿洞在宜春縣東半里許宋李觀居之自號玉谿叟  
今塞縣東北五里有石窟洞石上有龍爪迹

青蓮洞在宜春縣西北化成巖側小穴丈許虛明可愛  
舊扁曰雲谷

國朝守道施閏章謂其狀如青蓮半開易今名

石乳洞在宜春縣東三十里深一里許滴乳堅凝成觀  
音羅漢像人或游宴其中殼核狼籍經宿如埽太平寰  
宇記云宜春縣有石室山數石相連高十餘丈素壁如  
雪卽此洞也

漠塘洞在宜春縣北六十里初入闊數丈有潭水流出

繼入洞漸小至一竇通明處爲帶塘距漠塘已二十餘里鄉人嘗避寇於此

洪陽洞在分宜縣西十五里袁嶺三峯之麓相傳葛洪及婁陽所居洞口有巖巉岼如蓋由洞門入石室東向去地高數十丈初入一閒曠爽可容百人由西竇而入始幽闇舊有人至七十二閒聞昌山渡篙聲今可至第十二閒餘則隘不可行其中有白沙如鹽旁有鹽翁石織石帆石鼓石田及仙佛諸像洞中有水春溢冬涸雲霞細縕一穴可通絕頂仰見天日俗呼天心又有石燕至春或能飛翔又洪陽洞之頂有洞曰小洪陽門甚隘其中廣容千人有石倉石閣之類舊傳晉宋人有題名在深窈處無火不可入

宋宋之瑞洪陽洞詩天台自是神仙窟常恨生平游未足揭來

訪古得洪陽不憚攀躋冒炎酷當年事往雖渺茫至今  
峭壁摩空蒼豁從洞口見穿穴始信靈蹟由天藏細泉  
滴乳散瓊瑤亂石排衙互擎攫上施牀八看燒丹旁布  
陸畦閒種藥虛舟聊具仍馭風靈源暗與江流通欲攜  
束縵恣幽討卻疑深處藏蛟龍惜哉此境真奇絕地偏  
往往成湮沒僅存野廟傍山阿儻非好事誰留轍吾衰  
重到定無期肯辭薊足陵丹梯共言荆榛無路入徒羨  
翠羽穿林飛安知咫尺蓬萊隔邂逅仙人還不識謾書  
所歷記吾曹歸向天臺詫泉石明彭鳳和鄒東廡大  
司成遊洪陽洞詩勝地追尋得幾回佳辰有客便須來  
雨肥蓀草金光靜雲劃蒼崖繡幄開四海杯觴真聚梗  
千秋鐘鼎亦荒苔何如學取飛神術莫使遼東化鶴哀  
靈仙洞在分宜縣北三十里洞內去地三十丈景物不  
減洪陽但差小耳有丹鑪闊二尺厚三寸許圓如月略  
玷缺旁有石磨與丹鑪尺寸不差或以爲卽鑪蓋  
桃源洞在分宜縣北一百三十里洞口空闊東北行半  
里許至一石室有石鐘石磬扣之有聲直北一室天窗  
虛明石級如田田旁生荔支有池泓澄石龍天矯其上

距洞二里許爲風洞居山之陽隘不可入清風出其中  
旁有泉流相近有雙清洞冬溫夏冷避暑者置盤餐於  
中食頃輒凍其上有雙清亭

羅霄洞在萍鄉縣東羅霄山西四時霧雨霑灑寒氣凜

冽

宋釋德最羅霄洞詩江南二月春無邊籜竹十  
里花爭妍兒童且莫吹羌管我欲臨流枕石眠

眞如洞在萍鄉縣南三十里洞有石鐘石龜又有石如  
人形相近者爲裏大山圓如覆鐘兩洞相接上洞有石  
名雪峯一石竅斜穿投以石良久乃抵泐流下洞口出  
山腹巨石如屏中有小谿兩洞可容千人宋建炎初避  
亂者多歸焉巨寇張成攻圍數日不克乃退又有下石  
陂洞在縣北四十里亦可避兵縣北七十里爲焦源洞  
中有石叩之鏗然有聲

曹源洞在萍鄉縣西北三十里深闊可容千人中有石如觀音像小石伏其下如人禮拜狀

竹山洞在萬載縣南二十里有水經其中爲學前江源前後兩門深五里許內虛敞有石田石屋一石高三丈類塑像游者自後洞出前洞歲旱於此禱雨

周公洞在萬載縣西七十里松篁蓊鬱旁多怪石有清泉流出舊有周姓居此故名又縣西八十里有王居洞曠遠人迹罕至

雲峯洞在萬載縣西九十里黃茅岡門闊丈餘中虛明循級而下則漸黑有石鐘石磬石仙佛之類澗內產魚及石燕里人禱雨者常窮其源辰入出則日已西石穴在宜春縣西北六十里燕州神廟穴內可行三十

里見水繞竹叢莫知其源

牛欄峽在宜春縣東二十里左有金雞山右有銀餅山相對若欄袁州五臺三峽此其一也

盧石在府城東湖上相傳盧肇家石三峯九竅奇秀可

愛宋州守祖無擇徙置於此

宋蕭元宗盧石詩石是人非世所傳宜陽城郭古山

川和光瓦礫曾無累委質泥沙積有年地僻久爲神物護時來方遇使君賢介然作鎮東湖上德政何當向此

鐫

響石在宜春縣南五里獅子嶺北聲傳響答故名又縣南六十里有靈應石在仰山正祠內其形如靈龜之文益夫石在分宜縣西十五里昌山峽水中唐會昌前有太守鄭公字望夫於昌山下百步餘修復舊堰引水自沙湖過李家邨經縣治北合騎嶺水以灌田後人思其



德以字名堰竝以名此石

鎖石在分宜縣南寶雲寺山旁有石壁立其紋橫起如扁鎖狀相傳石舊有竅有沈道人者結庵於此忽不見視石則竅已闔矣

金星石在萍鄉縣東五十里石空如室中有金光二點如星又縣東白鷺坑口有羅漢影石宋元符閒巨石中裂其聲如雷一屹立一墜田閒各有形如羅漢

叵囉石在萬載縣東一里東山巖側有石高數尺上有孔吹之若叵囉聲風入亦然縣北五里有獅子石狀類獅下有潭亦名獅子潭

謝仙石在萬載縣西四十里一名麻鞞石上有鞞迹

以上  
縣志

山四

臨江府

章山在府城西晉羅浮道人章昉煉丹於此有丹池故名南連瑞筠北接白牛岡諸山城西成富壽二門枕其麓與城中雷公馬鞍二嶺相連絡一名富壽岡

瑞筠山在府城南濱江勢峻峭狀如龍之昂首枕其上唐歐陽董居此產瑞竹色如銀故名

國朝康熙二年守道施閏章建亭山左旣成產紫芝數十本遂以紫芝名亭并改山曰紫芝

閩阜山在清江縣東六十里跨樂安豐城新淦三縣境山形如閭色如阜道書第二十三福地漢張道陵晉丁令威葛孝先修煉於此峯六東西鳳游蓮花淩雲玉女嶺四觀舍雞坑嶠西巘巖一金鐘藏籙原五葛憩會仙

桃花石曰蠶石四雙鯉馬蹟石門朝斗宮曰崇真潭曰

投龍塘曰九龍泉曰漱玉池曰磨劍山中有靈仙館山

北有高峯為丁真人壇南唐徐鉉詩殿影高低雲掩映

裾累不是乘輅不得來宋朱子登閣阜山詩疊疊層

巒鎖闕宮我來舊地訪靈蹤葛仙去後無丹竈弟子今

成白髮翁劉過欲游閣阜山詩仙梯難上塵絲重俗

駕勒回山有靈煙露模欄雨昏黑數峯疑在夢中青

元吳澄題閣阜山詩漢吳仙迹兩峯齊欲拾瑤花路恐

迷寶殿青紅疑地湧林巒蒼翠接天低九重香案分雲

篆八景瑣函記玉題仙鶴翔空清似水步虛聲在朵梅

西何中閣阜山福地詩雨崖松竹綠蕭蕭時聽巖聲

響野橋鶴信早歸題錄客蜂房分綴鍊丹寮晉時月在

途原淺粵國雲通勾漏遙仙馭肯忘僑鼎地風笙清夜

落璫霄明解綰游閣阜山詩閣阜雲兼野水流謾傳

先聖昔曾游豈知漢晉遺風遠祇有宋元文字留山勢

北來開苗菑闕門南下壯金牛野翁為說天書降曾安

紅雲捧玉樓楊廷麟入閣阜訪黃五匡明詩不上安

巢竹連分午鐘山外隔谿聞丈人

自爰前峯好手翦松枝弄白雲

龍岡山在清江縣南十里驛路有赤土如環者二相去

數丈舊傳爲龍眼掘之輒雨雨過色赤如初

紫淦山在清江縣東四十里以淦水經其下作紫金色故名一稱子淦山

棲梧山在清江縣西南三十里有太平玉虛二觀及靈芽丹井蜻蛚塘蟾蜍谷葛峯筇竹巖眞君泉聖水亭諸遺蹟又西南五里爲黃岡山有仙女塔東晉王長史遇仙女張麗英居棲梧山沒葬於此又西南十里爲福山孤山在清江縣西北三十里自縣境至高安界此山獨高故名對峙者爲鍾秀山下寺曰查林有古銅鐘聲極清遠

雲谷山在清江縣東北二十五里三峯相峙有寺曰龍居

夏山在清江縣東北六十里上有寺門枕石潭其流不竭可灌田數百畝

銀嶂山在清江縣北七十里周十餘里石色如銀故名或曰舊嘗產銀

鳳凰山在新淦縣迎春門外宋狀元何昌言故宅亦名何家山又縣北五里岳廟前亦有鳳凰山

茅山在新淦縣東南四十里下有龍潭將雨則興雲霧楓岡山在新淦縣南十里有古寨相傳唐末彭玕拒楊行密於此有瀑布西注遠望如白虹相近爲峽山有霧峯祠祈禱輒應又有刻木山立廟祀丁孝子俗謂丁蘭也

秀峯山在新淦縣南二十里俗呼南雷山相連者爲雙

峯席帽峯獅石嶺

大羅山在新淦縣南三十二里出雲則雨下有甘泉可禱雨

東山在新淦縣東二里有永壽寺宋劉次莊卜築寺前鑿池曰戲魚自號戲魚翁有戲魚堂法帖其麓爲明練子甯故宅

秋山在新淦縣東五十里有蘇令祠陳永定中蘇爲巴邱令歿葬於此相近有豐城山舊名百丈山唐天寶六載改今名

尚樂山在新淦縣東六十里上有宋武帝廟禿女岡皇后陂六尺源羅公坑三百陂諸蹟

謝志原來南史無禿女姓氏亦不應旣爲

皇后而鄉里不知姓氏也舊志云結藕絲爲履靈鵲銜至殿前爲說尤誕

湓山在新淦縣東六十餘里一名玉華峯又稱湓峯高

十里環十二峯有紫元洞上有王郭浮邱三仙壇山出

雲則雨明羅倫詩一柱東風戀紫霞數聲雞犬也

伏泉山在新淦縣東七十里上有泉飛空而下舊名石

泉山唐天寶中改今名

小廬山在新淦縣北六十里上有石池澄泓如鏡又有

石泉分飛瀑四道匯於山麓周百里南接樂安北抵豐

城界

太平山在新淦縣東六十里山峯環疊元何中詩縱觀不知遠言登太

平山詩峯卷秋雨日射風扉開懸磴折古石側籊倒危

金鐘聚森爽樵人指幽關鐘聲出曉靄演梵作羣顏

者足吾契語瑩冰珊瑚崖東野月上露華膏夜爨松杉

冠玲瓏流颺過瑤環既靜有餘聽焉

可跌坐頽偶然在塵表非能悟無還

石屋山在新淦縣東北七十餘里巉石如屋廣三丈中有石山雨暘應禱山麓有石谿寺

虎瞰山在新喻縣城南勢如虎踞俯瞰淪水城北有雲岑山層疊盤迴其勢如雲一名來山舊建鎮遠樓又北爲登高嶺上有山如几又名玉几山嶺有亭旁一小阜

方正砥平呼爲印臺

國朝施閏章詩孤阜荒城內羣

朝燒起林中獵風隨嶺外樵鳳凰何日至餘興欲相招

銅山在新喻縣西南二十里舊產銅鑛唐大厯後置官場宋罷

鵠山在新喻縣北七十里與寶珠嶺相映突兀青翠如鵠之立下有雙井

三山在新喻縣南三十里東鐘形山南周桐嶺西佛臺



嶺竝峙如筆架宋陳大猷居此明陳綸讀書山中有三  
山書閣相近有貞華山一名薩陽山俗呼爲雙陽山兩  
峯尖聳登其巔則一峯獨出邑人以山形如火建北極  
廟於其上

鼎山在新喻縣南五十里頂有泉不竭泉旁寺曰頂泉  
睦宣之水出焉一名頂山宋尙書謝諤讀書於此相傳  
有野蟻聽講其南隸峽江縣

蟠龍山在新喻縣北十里自仰天岡至此山勢蜿蜒如  
龍石泉清冷可溉田數千頃

瑪瑙山在新喻縣北六十里土色赤白相間若瑪瑙狀  
山之陰有雷祠其麓有水月洲憑谿有石梁名曰石步  
元時里人黎立禮引以爲流觴曲水故址猶存

蒙山在新喻縣北九十里周百餘里高五百丈相傳楚老萊子耕於蒙山卽此峭壁橫險喬木千尋常有煙霧蒙蔽其上有天雲標月光峯彈子嶺風雨潭諸勝山之東有宋司業黎立武講堂其西爲西華寺明梁寅讀書

講學於中山北隸瑞州府上高縣西隸袁州府分宜縣

明梁寅蒙山賦并序蒙山者吾州之峻嶺也然郡志僅傳名不遠著禹貢言蔡蒙旅平則在梁州之境魯頌曰奄有龜蒙則東海之地而史記注之又曰老萊子躬耕蒙山之陽今考周之季世魯并於楚龜屬焉吾州亦楚域也又安知老萊之隱不在於吾州乎吾家是山之陽瞻神秀之異慕賢哲之風遂爲之賦維堪輿之奠位斯山嶽之肇形類波濤之激蕩擁泥沙之峻嶒爲嶂爲岑或邱或陵高凌雲漢遠接台星然人也以山而鍾秀山也因人而著稱在於荒陬雖崇而隱遁乎雄都雖卑而名竊愛夫蒙嶺之鎮吾地其於終南少室天台會稽何彼重而此輕也哉觀其勢雄千仞根盤百里嵯峨嶺峯蜿蜒崇施竅以諸洞界以眾水嶺嶠鱗崖石齒齒瀾域之標郡國之紀阜嶂東迴春臺西峙鰲峯北岱淪流南池其爲寶藏則白金之璫縈碧鈿之璘珣表炎方之

奇產充天府之上珍其爲靈蹤則金利據其陽仙巖在  
其巔森祇樹於翠谷闕小有於洞天若乃瑤草鞠芳珠  
林挺秀風篁球戛煙蘿帷覆蘭茝綠於徑販芝木產乎  
炭竇長陰澗之茯苓絢霜林之橘柚蟻採哀嘯熊羆怒  
咆霧臥文豹湫吟黑虬揚夜鶴之遙音露秋鵲之懸巢  
過客眩於妖狐樵子駭乎山魃凡其根莖之品飛走之  
族時榮時悴以涵以育富於靈囿之駢羅夥於陸海之  
儲蓄博物之張華無以辨其類洽聞之郭璞曷能究其  
目宜夫絕俗貞士離世潛夫悅雲霞而長往與麋鹿以  
爲徒翫岡葩之春媚樂岑木之下敷吟素秋於月觀度  
冥冬於雪廬坐紫苔兮綠綺奏蔭蒼松兮芸帙舒或茹  
芝兮白日晏或埽葉兮涼颺隨想夫楚叟之賢棲山之  
陽躬尙稼穡志輕襦裳觀山泉之宏渟悟蒙養之端莊  
愜閒情於溶壑杜妄轡於巖廊嗟軒冕其既遠沮溺  
其可望勵雅操之冰玉謝澗世於稅穰疑斯人之或遠  
復來瞻乎魯邦既異世以同趣宜隨地而安常吾將稅  
俗駕屏塵心企頽陽懷箕陰朝與山兮爲儔夕與山兮  
相尋濯纓松下流振衣雲中岑甯抱瓮以自勞賦歸來  
而長吟歷萬里於至近返千齡於方今庶永託於茲山  
嗣高賢之徽音董越蒙山詩蒙頂出青州茶名徧宇  
宙誰知此山中亦有生雲竇旗舒穀雨餘  
芳猷清明後風味如使君誰云可輕售

玉笥山在峽江縣東四十里道書第十七洞天曰大秀

法樂之天郁木坑爲第八福地舊名羣玉峯相傳漢武帝受上清錄於此見有玉箱如笥委壇中忽失去因改

今名漢梅福及晉郭桂倫彭真一袁景立梁杜蠡永蕭

子雲皆嘗學道於此有峯三十二壇二十四洞六臺十

二亭十一泉五池七巖四石四井四杏花桃花二隄孔

君梅君二宅白雲潭廳御祠諸名蹟明危素送郭真人還玉笥山序世祖

皇帝受命自天非獨一時豪傑文武異才並爲之用而山川百靈罔不率職方是時常山劉文正王以沈機大

略最爲親幸且通祕術行師用兵之際役使鬼神多著奇效乃作祠宇於宛平之西山開平之南屏山以祀太

乙六丁之神俱號曰靈應萬壽宮常山王既薨嗣居之者非操履貞白明於道術者不得與茲選至元五年四

月己丑朔今皇帝敕王笥山道士郭君宗純爲第八代祭通真人降璽書寵嘉之其所館兩都靖治所在戒嚴

真人龐眉皓首深居林壑時人望之已若古仙異人未易狎習既十年乃言於朝將歸隱於故山則其高風益

逸不可攀矣名卿大夫士聞真人之知止自足有契於老子之旨爲詩歌以送之而屬余爲之敘蓋至順初第

六代眞人毛君退休於龍虎山杜門簡絕人事  
得余固已歎其浮游塵埃之表非世俗所能汨沒者及  
今觀郭君之歸後世將益羨通祠之多賢也惟其輕世  
故薄功名然後心無所累而可交於神明吾於二君子  
見之矣抑常山王初嘗寄迹方外及其遭逢聖明超拜  
上公之爵然處之泊如也二君子無乃聞其風而興起  
者歟不然何其去就之從容如此哉金幼孜王弼山  
賦釐公散兮彩雲鯨海飛兮黃塵銅山眇兮寂冥玉峯  
美兮嶙峋占西江之上郡表南紀之孤青攬神秀於磅  
礴通仙靈於杳冥割晨昏而軼雲雨薄光景而生風霆  
登之者若廣寒百萬戶之玉宇望之者恍巫山十二峯  
之翠屏予嘗攀蘿絕澗繫馬西風斷蒼崖之秋骨舒一  
笑於奇逢攀危巢於棲鶴附垂翅於冥鴻發孤嘯於巖  
端振萬籟於笙鏞但覩夫華蓋倚綠其瑰瑋萬狀而東連  
鴈劒插秋寒初月修眉黛橫空綠來遠千里如瀉煙消  
者非臨川諸山列於前者乎重瀛來遠千里如瀉煙消  
雨洩隱若垂虹雪立風濤疾如走馬行祠候龍女之暮  
歸別路泣騷駒之曉駕其蜿蜒百折而南委者非章貢  
之經流繞其下者乎西連石霜百丈之奇北挹閭阜寶  
金之秀或竟而坡陀或卑而培塿莫不瞻仰乎後先羅  
列乎左右則諸山聳處之尊眞足以配南山不崩之壽  
也方將臨飛梁凌絕頂窮元微入溟涬抽石室之藏書  
捫黃庭之內景俄遇鴻蒙先生虛無誕叟身佩蒼精之  
捫落斗或處靜而守默或談空而說有相與吐羅秀之

奇胸騁懸河之辨口候紫氣於青牛歎浮雲於蒼狗謔  
妻起揖於先生曰子亦通元者也獨不聞清江玉筍之  
山乎夫洞之天者三子有六而法樂固爲第一福之地  
者七十有二而郁木固爲無匹蓋天作而地藏宜不游於  
而神出今子以憑虛弔古之才拔俗出塵之質不游於  
元都千樹之時而訪於昆明劫灰之日何其異哉僕固  
鄧人請告山川風物之美宮室羽儀之麗悉耳目之所  
及庶幾發吾子之榮而祛吾子之蔽也在昔此山卓卓  
太古究其根盤固知幾許錫以太白雲臺之名雜以羣  
玉秦望之所峯岑鬱蟠嵒嶭險阻從巖嶺吸吟呀岫嶮  
蟠者如龍踞者如虎方者如屏圓者如筍斷者如臼積  
者如組高者如舞向者如闔回者如顧千奇萬狀不可  
如削起者如舞向者如闔回者如顧千奇萬狀不可  
數其上則小山叢桂漆園大椿松檜栝柏椅桐栗榛大  
餘連抱深踞重坤奇條幡纓布葉鋪茶昂霄聳雲合  
雲屯白日而蛟虬動微風而笙吹繁禽則出穴雛鵲街  
書神雀黃鵠白鵲金雞元鶴旋日駕鸞鵠集或俯而  
吐綬名之搗藥雲彩星馳風毛雪落或翔而集或俯而  
啄是皆踰岷越嶲離羶度弱不遠伊邇於焉茲託其下  
則玉芝蕨蕨越嶲離羶度弱不遠伊邇於焉茲託其下  
金鈴櫻栗抗紫莖揚清醴耀羣芳駭取目被幽崖施中  
谷灼灼猗猗青郁郁馭則馴虎飛猱麝香鹿或獻  
果而攀蘿或賣杏而收穀或食乎野萃或眠乎石竹餘  
則五色之毛千里之足茂先亦不能知爾雅所不及錄

莫不肥大蕃息絡繹馳逐以寢以詔不瘵不瘵水則三  
谿入池七潭六源丹砂之片玉醴之泉服之可以永壽  
飲練之可以成仙渴渴延瀝而爲雨積而爲淵澗田百頃  
絃練之橫瓠然後屬石赴奔川東匯彭蠡同歸海門其  
中則蛟龍龜貝醒鯉鱣比日之鮠縮項之鰻沙蛤海  
蚌明珠出焉亦有羣飛鴈玉竝不集於淺濶浮於清漣  
舞鴈若鱗繡羽舉一漏千莫不連宮室則度其臨原  
嚼乎菰蒲菁藻棲息乎菱芡藕蓮建宮室則度其臨原  
技斯柞械爰命工垂乃程匠石巧者獻能勇者効力千  
夫雲從萬斧雷擊之佳植候鬼設而神運不一朝而山  
表之瑰材集江南之佳植候鬼設而神運不一朝而山  
積於是寶圖呈於坤靈玉梁降乎天龍傲不配極之元都  
列飛霞之畫棟輦輿雲於欲飛蟬負閣角之不斂華引  
明月於璇題藻梲綴浮雲於崇侈以天德乘光之竦參  
牙之萬像以承天大秀之崇侈以天德乘光之竦參  
錯乎左城飛螢驚海色之搖紅鉛錫拱觀其重觀之樓  
右坪而結錢帶金釭而銜璧聚天上之星辰隔人窗  
綺月周河漢之昭回陰陽而閭闔宜上之帝之高居近  
風顏之咫尺若黃道雨晴瑤階塵輭翠擬下之武之  
旌魚鱗起寥陽之殿羽衣翻仙子之霓裳雉尾奏於  
之彩扇耀孤鶴於金莖鳴八鸞於翠輦魚龍舞九奏於  
釣天鵲驚蕭羣眞於旒冕濟濟乎山澤之龜昂乎珪

瑋之彥降笙鶴於緱山來鳥鳬於葉縣無非講道德於  
元文呪長生之祕典元霜杵月白帶香殘丹氣成虹鑑  
存火煉進塵脯之新奇集龍根之宛轉冰桃闕瓜漿之  
筵銀食錫葡萄之譙又何必慕弱水之二神比塵世之  
所常羨也鍾其精英發爲人傑其方平重厚故爲人也  
沈毅而富才嶠直孤高故爲人也磊落而多節遠而九  
仙煙爾之名近則八祖森乎其列故孔梅沈謝之羣流  
厯秦漢唐宋而烜赫訪遺迹則魏氏之瑤臺何君之石  
竅臺聳東華赤谷之奇谷隱彤霞丹陽之輿箱峯蔓草  
之似袍墨沼寒藤之學草劉通慕仙錄於徒聞夏禹惜  
神標之未造涪翁僅吟於彷彿叔夜敢侔於醉倒逮及  
累朝舉由其道銀鉤錫金榜之鏤題寶篆降御鑑於恩  
詔信爲古今之名山非遐世延年者莫能到也言未卒  
客但誇夫山川之爲美而不知管子晏之齊人識昭襄之秦  
之爲盛而不知兩都之舊制也羨木石鳥獸之同羣而  
不知斯人之爲貴也慕辟穀延年之可尚而不知所惡  
有甚於死也夫達人之大觀曾何足芥蒂雖殺身以成  
仁眞不亡而日在且夫天人物我本同業篇聚則成  
散歸寥廓高爲星辰低爲河嶽故箕尾墜而傳說亡尼  
山轉而聖人作二伯生而崧嶽降其神靈三蘇出而眉  
山爲之蕭索相業應乎旁求王迹寓乎華削爲藩翰於  
西周著文章於東洛是皆爲海內之安危兼天下之憂  
樂豈效乎沒世無聞但忘情於邱壑且子不聞蓬萊方



蓋遠則遠矣而樓船之藥未返瀉池之璧已遺莖臺井  
榦高則高矣而茂陵之石馬無聲柏梁之金人有烈是  
二君者今安在哉今欲與子窺九嶷登太行之遺烈採  
禹穴之新崑崙觀海渤追太史之奇蹤繼前人之遺烈與  
壯士之天河洗中原之戰血然後對禮樂於丹墀進與  
圖於金闕則下視玉筍之山者曾何比於一髮也哉誕  
叟聞斯言也狼顧鼠拱莫知所措夕陽今在山碧雲今  
欲暮余乃拾銅雀於殘煙分玉蟾於壁露倚桂樹之秋  
香遂登高而作賦唐方干題玉筍山呼爾爲漁叟爾學  
藏身巖裏居刪繁自是一家書世入呼爾爲漁叟爾學  
釣璜非釣魚南唐徐鉉玉筍山留題仙鄉會應遠王  
事知何極征傳莫辭勞玉筍聊一息形骸已銷散心想  
都凝寂真氣自清虛非關好松石九仙皆積學洞室多  
遺迹游子歸去來胡爲但征役宋劉弇送曾道者歸  
玉筍舊隱詩踏盡匡廬十載雲卻抽秋鶴九皋身明  
似爲谿毛熟笑整西風不岸巾元何中望玉筍山詩  
岸轉蒼石踞長松垂青蘿政當停棹時江入柳陰多斜  
暉瀉列岫蕩漾萬金波倚舷一回顧暮氣忽嵯峨羣仙  
養心處許我勤恒過洞天無深竹去去將如何揚僕  
斯玉筍山歌大江之西洞庭東三山鼎峙爭長雄玉筍  
嵯峨與天通千迴萬轉重復重一人避秦入山中池養  
十魚爲九龍九人乘龍上虛空赤帝飛入爲九嶷四  
照耀何烘隆三疏不救莽賊凶曹瞞欺天塞帝聰玉梁  
白晝隨靈霞壽春真人抗靈蹤三壇佳氣長鬱蔥璇題

翠羽開神宮九霞照地光熊熊急欄鳴玉相撞春羣峯  
四合如朝宗承天萬年亮天工大秀幽詭郁木同重巖  
洞壑守鬼工白猿夜啼竇氣衝我欲求之白雲封金關  
先生碧兩瞳弟子文詠敬以恭集雲駕霧留飛蹤元洲  
長史白玉容八十二口來相從一入不復世莫逢忽而  
見之若發蒙朱宮玉堂緇簾櫳青童素女清而丰桃花  
杏花相映紅忽而不見空溟濛或聞玲瓏磬與鐘或如  
金雞啼曉風何劉沈謝數十公遺聲逸響猶飄颻身爲  
羽節何當降霞衣飄飄佩琅璈下與世人哀瘵桐身爲  
風牧常先鳴上佐皇裁播時雍還清反璞服孝忠物不  
疵萬年穀豐氣酣飛上三會峯周覽四極摩蒼穹前有  
天柱如華嵩落日返照金芙蓉三峯東出號赤松雲臺  
太白相橫縱羣玉金扇遠更濃兩峯相倚如駝螭紫微  
高歌紫霞沖石橋金柱爭龍淙淙長江外抱如白虹束以  
驚峽轟奔洪仙來不來吾心忡山中神歆集元氣融超凌  
蓬萊軼崦嵫峒仙欲求之不可窮願佩含景從仙翁紫袍  
千歲顏如童我欲求之不可窮願佩含景從仙翁紫袍  
白馬乘兩駿奪取神君一尺銅坐閱絕景忘春冬明  
練子宿玉筍山歌我所思兮玉山之岑巖巖其蒼兮凌  
清霄謫仙一去已千載至今誰讀廬山謠熊侯家住劔  
江側埽盡秋山之黛色聞予此興爲寫之髣髴梅仙舊  
時宅梅仙兮何在遼清風兮滄海蹇夷猶兮孤舟弔遺  
迹兮千載舟中所載非凡流嗟故人兮李與周按玉笙  
兮明月下黃鸝兮清秋洞天兮石扇蘆雁兮路轉橫余

劍兮視八荒訪蓬萊今幾清淺張侯今昂藏驂白雲兮  
青霓裳窺玉梁之寶笈醉石隨之霞漿千巖萬轉路莫  
測酒酣一笑三山窄待得君王賜鑑湖錦袍重訪山中  
客又三月望日與饒隱君子宏游玉笥山詩我懷謝  
康樂蜀往游名山身同虛舟繫心與浮雲閒清風灑蕩  
灑六合令我興在雲松閒玉山高與南斗齊雲錦照耀  
廬山低三十六峯靈虹霓飛湍噴雪臨迴窺長松挂月  
青蛟啼上有梅仙採藥之幽棲下有蕭雲讀書之故基  
洞天石扇杏莫測瑤草漫長三春莢我欲因之覽八荒  
手拂青蘿眠石牀回颺吹散碧天霧清明倒瀉澄湖光  
偶爲玉山謠寄之雙峯客興來攜妓秋復春笑殺東山  
謝安石胡儼玉笥山詩佳哉古淦邑有山鬱嵒崑昔  
年降玉笥芳名標神霄有臺高巍巍九天芙蓉金柱翹有壇  
布碧落太乙皎素遙有臺高巍巍九天芙蓉金柱翹有壇  
靈閣白日闔笙簫陰瀑灑飛雨石磴凌風颺飄飄金光  
草森森琪樹標仙人散綠髮乘晨晞陽喬流輶宴初景  
元挺披氛器龍吟石闕隱鳳歌雲路超仰漱金隨溢流  
盼恣逍遙我欲從之游黃鶴不可招悵望白雲深郁木  
何幽寥錢琦游玉笥山詩芙蓉高插碧天開雙屐遙  
從島外來玉笥破雲尋不見更隨風上九仙臺劉應  
秋詩石磴飛泉曲徑通飄飄白帝接仙宮山深洞府連  
雲碧水出丹池繞潤紅風靜霓裳繁吹下月明煙樹滿  
樓中自是真人靈隱處當年徵夢百花叢劉同升由  
百花谿登玉笥山詩朝看山出雲暮看雲入笥山行若

無蹊恰有青童至指點絕壁間仙臺藏勝地藤枝匪易攀屐齒猶可置日午聞雞鳴巖椒啟金字出險坡漸平劃然人境異連峯洞下界撲面聳層翠因過丹竈房縱覽紫微志白花雨外明紅果林間墜曉食供芋魁晨鐘倒茶櫃坐久慵下山踟躕想真寄塵網詎得辭幽期偶然遂

鐵雷山在峽江縣北三里有雷壇下爲古巴邱鎮

黃金山在峽江縣南三十里黃金江上

寶林山在峽江縣西十五里羣岫環擁竹樹陰森又西五里爲雞冠山二石卓立如笏俗呼雙簡石

石洞山在峽江縣西南三十五里四山皆高江水流其

中水口一山巉岬迴顧土人呼爲獅

一作子石

刀劒山在峽江縣治南半里山石巉巖峭峻故名

鳳凰山在峽江縣城西脈自廬陵界東來至此連互環峙如鳳張兩翼然城跨其脊

安山在峽江縣東南五十里有陳時岳陽王祠墓

東峯在清江縣東卽閤阜山六峯之一相傳仙翁丹成

藏之石室留記云以俟廣修陰德者

綿峯在新淦縣南二十里山產黃檗又名黃檗山亦稱

綿嶺

天柱峯在新淦縣東北二十五里兩峯並起曰大天柱

峯小天柱峯又縣東三十里有二峯宋祕閣修撰向子

諲薌林院存焉

葛僊峯在新淦縣西二十里又西十里爲百丈峯頂闊

百丈故名俗呼西雷峯相傳宋王文卿修煉於此徽宗

召王禱雨有應敕立雷壇峯北隸新喻縣

明陳憲章百丈峯詩淦西

百丈聳危峯白晝雷霆出洞中一片黑雲橫日下雲時飛雨過江東邨邨苗長田疇水處處涼生枕簟風好向

夕陽樓上望晚晴  
江色映長虹

梅仙峯在新淦縣東四十五里有梅樂鄧葉四仙祠

明危

素詩諫疏當年奏漢宮至今名迹徧諸峯經臺半掩三花樹丹白橫遮五粒松近水衣裳清露溼並崖芝朮白雲封因君更憶非非子杖履登臨得屨從

仙女峯在新淦縣東七十里相傳唐乾符閒李氏女得道於此鄉人爲立廟又名嚴穆山

玉華峯在新淦縣北三十五里俗呼北雷峯相對者爲

著棋峯或云王郭二仙弈處

明鄒紆亨登玉華峯詩十

九霄閒煙霞之外無他境宇宙以味有此山道侶月中騎鶴去仙翁雲裏採芝還豈無方內紅塵客景仰高風

亦覲顏

石梅峯在新淦縣東南三十里上有雙巨石俗呼了髻

岡其南隸峽江縣

唵峯在新喻縣北四十里與瑣緱嶺對峙山下有泉曰唵泉

白梅峯在新喻縣西北四十五里產猴筍亦呼猴竹嶺上有晉習鑿齒廟明詹事習嘉言家其下

天一作石門峯在新喻縣北五十里三峯秀聳巨石對峙

如門亦名紫雲峯峯北爲賜護臺東爲神峯西爲靈峯明梁寅建石門書院於此

太白峯在峽江縣東三十里玉筍山三十二峯之一相

傳元杜元老錢文咏飛昇處明胡儼詩千仞孤峯初翠濤仙人騎鶴恣游遨月明

氣接峩嵒遠天近雲連華嶽高瑤壇夜有青藜杖瑞館寒森紫綺袍幾度峯頭降王母玉簫聲裏醉蟠桃

七層峯在峽江縣東七十里七峯連絡中有觀音巖

神嶺在清江縣東五十里上有嘉惠廟

東阜嶺在新淦縣東十五里上有仙壇明嘉靖閒因文廟改設木主乃移供聖像於其中

蘆嶺在新淦縣東三十里山蹊峻隘山半有亭

澄嶺在新淦縣北八十里有泉清澈東北隸豐城縣

柵嶺在新喻縣南十里雙峯夾水對峙如列柵又谷陂嶺在縣東南十五里蹲伏盤踞數里有湖水長流不竭

三層嶺在新喻縣北四十里山勢蜿蜒十餘里至是突爲圓岡有高下三級又璜嶺亦在縣北四十里狀如璜玉一名璜頭嶺

橫琴嶺在新喻縣西北三十里形橫枕若琴故名舊產鐵管置冶場後廢



圓嶺在新喻縣北五十里亦名雕琅嶺其北尤高者爲大袁嶺

都督嶺在峽江縣西七里相傳吳周瑜屯兵於此舊有

相公祠今廢下有七里洞

謝志舊案曾櫻辨云攷瑜傳定豫章廬陵留鎮巴邱此時

僅爲江夏太守何以遽稱都督案陳霸先以大都督討侯景賴兵巴邱尋發豫章下金陵高涼洗氏告其夫云

陳都督極得眾心則此山以都督稱者非瑜也

石牛嶺在峽江縣南十里有雨潭風潭火潭歲旱禱

雨潭多應

白牛岡在清江縣東三里有雷祠俗呼雷公嶺

茱萸岡在新淦縣東五里產茱萸

場岡在新喻縣東三十里山多場花

仰天岡在新喻縣西北十五里有仰山廟廟前有仰

天池其水味甘歲旱不竭山半有石梁跨西崖號仙人橋澗中嘗產九節菖蒲

白竹岡在新喻縣西三十五里多小白竹

圓沙坳在新淦縣西十八里亦稱圓山坳接新喻縣界櫟樹坳在縣東七十里接樂安界

虎瞰巖在新喻縣南虎瞰山下巖高百尺石皆赭色有二泉如目曰虎瞰泉釀酒甘冽

湖九洞在新喻縣西北三十里山產銀明萬厯中遣內監開採尋罷

廣教洞在新喻縣北五十里東山上虛敞如室者不一石乳所滴成鐘磬花木虬龍之狀石壁多宋元題咏剝落不可讀

龍巖洞在新喻縣西北四十里中虛如覆釜光明透達

石乳大者色如玉柱

何君洞在峽江縣東玉笥山紫霄巖下相傳秦時孔邱

明路法通等十人避亂山中修煉歲久皆騎龍上昇惟

何紫霄隱居山洞爲地仙故名謝志舊案紫霄當姓鄧黃庭堅詩九仙乘詔上

龍湖盡是驪山所送徒惟有一飲也鄧公留

不去松根指鼎煮菖蒲是

投龍洞郁木洞均在峽江縣東玉笥山中郁木洞卽郁

木坑宋羅與之登玉笥山投龍洞詩捫蘿入幽谷眼界益崢嶸石壁斷人迹泉流閒鳥鳴日高雲未散秋

晚草猶榮坐久無歸意悠然世念輕明胡餗郁木洞詩細草清風一徑除尋源不必問桃花千年仙風飛晴

雪王色靈芝絢彩霞瀑布巖前泉似乳芙蓉峯下棗如瓜蕭郎野採藥知何處空見林中鹿引車

龍石在府城南元妙觀水濱其狀如龍蜿蜒鱗甲具備

一夕雷震之有竅有紋宛如骨節

龜石在府城中舊布政分司行署前繡衣坊下舊有石

轉狀元生之識宋咸瀉甲戌正月朔夜有聲如雷及明

觀之石裂中有白氣薰蒸膚理初輒久始堅府以上並據

宋孔武仲詩平川海洶經南國匹練橫拖半天碧洪

巨浪之中央忽見顏嵬太古石此石山來幾許時混元

一氣初開闢神功割破混沌胎割落半空隨霹靂非龜

非鼈不可辨有若神龜見蹤迹光華不待媧皇鍊渾朴

甯從巨靈掌我知神物本天性推移運轉非人力當時

大禹走天下驅至九江為納錫萬牛損車載不動鐵軸

崢嶸白堆積秦皇鞭山移四海怒祝不能移咫尺至今

獨立猶驚人地志山經不能測千靈萬狀誰復知一片

堅頑祖可滌昂頭突出翠濤中踞足橫蟠九泉脈動殼

縱橫寶穴穿當心一搭莓苔黑淵潛不見曳尾狀日燦

猶驚負圓色青髯似點垂龍額漁翁未網先自駭靈蓍

曾支玉女牀爛斑似點垂龍額漁翁未網先自駭靈蓍

欲伏安可得龜龜縮首不敢迎蝦蟇巡行夜戰揚歲冬

大寒百蟲伏園勁之勢無敵側風磨霜鍊無日休髮鬢

皺痕成兆拆負才不免剗腸累至珍惟藉天公惜灼以

炎皇之火精燄以少昊之金液神鑽鬼卜不見形陰陽

造化無遺策大哉應者物之精哉久已化為真形有時

月黑無人夜繞岸光芒倏自生下駭深潭蛟蜃窟上應

三

中天元武星萬象森森下相向來決吉凶真偽情森狐  
妖國已破磨山總野魅見亦驚波神吞氣不並喘四面  
長漪鋪席平吾聞谿老記往歲半夜風雨來冥冥割然  
曳轉大潭左百里震驚如雷霆背憎摧折雖萬狀崔嵬  
孤高終自靈吁哉天地至奇物何為流落於江坡銅馬  
猶聞標漢殿神羊昔亦馴堯庭便當推置玉堂上古貌  
岌岌無欹傾姦臣猾豎作孤媚見之被面先吞聲凶荒  
水旱必不可卜蒼卒變怪皆先明匈奴喪魄萬里外憤繇  
不敢窺天兵龜乎龜乎用  
不用壯士與爾同死生